

BŪKA, KABABŪLE



. . . ukubīkīl'ubukēti, kangi u kalumbu unnnini kunyuma kula, une ngwinogona ikyēne kikuyoba ulusúmo lula:

O, lugano lwa Kyāla, lukabi bule kangi
lupelelesye!

Lusitakugeligwa bule kangi lukafu!

Lyo lisiku liki ilyēne lili kuli uswe! Unko uswe itolo nikimyēmye, ni mitu gyītu twīnamísye lilino, twīmbe lula kwa Ntwa itolo pankyeni pa lwīputol. Itolo, Teddy, linga ugwe kutupaga itolo akasāmba akanini. Kangi unko uswe itolo twīmbe ulwēne uku. . . ni mitu gyītu gīnamísigwe, amaso gītu gīgalígwe, itolo pankyéne pa lwīpúto.

O, lugano lwa Kyāla, lukabi bule kangi
lupelelesye!

Lusitakugeligwa bule kangi lukafu!

Ulwēne lwisa kwa bwilanabwila. . . [Ubuyo
busitakandu pa tepi—Nsimbi]

² Linga ubwiino, amiisi goosa galyaandwike ukuya ubwīno, kangi imyaanya gyoosa ukufuma ku filakatasi gyaapeliigwe, kangi akasamba kalikosa pa kiisu kaali kyaakusiimbila, kangi umuundu aligwesa nsiimbi ukuya mboombo yaake, looli ikyeene kikaabagiile ukuliingania u lugano lwa Kyaala ku luko lwa Adam ulugwaano. Uswe tukukupaalisa Ugwe, Taata, panongwa ya Lilopa ilipala lila ilya Ntwa Yeso, kangi panongwa ya lubuunju ulukumbukiliigwe lula ulwa busyuuke, kangi panongwa ya lugano Lwaako ulwa butabulo ulu lonekiile panja mu ndumbula syiitu umwiisyuugu, ukwisila mwa Mbepo Mwikemo. Tutwalaga uswe mbulilansi bumo nu Mweene, u Gwakyala Yula, u Mpele. Tutwalaga uswe mbukundwe, pa kīsu, ubu bukakīndigwamo siku. Nabumo ubugono, nalumo ulufiingo, lwaabagiilemo siku, siku ukufwanikisigwa nu bukundwe bwa banyaambala na bakiikulu abapaapigwe-kabili. Kangi lwisakuyaga kwa bwilanabwila lwiimbo lwa biikemo na baandumi!

³ Uswe tukusuma umwiisyuugu ukuti Ugwe kwisakusaya kyoosa iki uswe tukuboomba mukugela ukuliingania, ubwitu—ubwitu ubupaalisye mu ndumbula syiitu kwa Ugwe, panongwa ya iki Ugwe utuboombiile uswe. Kangi ukumanya ukuti sikāli syēne mma ndumbula sya bafuundigwa isi syaali nhobofu ulubunju lula, Maria na Maria Magadalena, lōli nūswe uswe, twe bafundigwa Bāko umwīsyugu, indumbula syītu sitēndekígwe ukuya nhobofu isala iyi uswe tukwāga ukuti Umwēne akaya mfwāno, lōli mūmi. Umwēne alikindililāga ukuya mūmi mu

ndumbula syĩtu, pakati pĩtu. Uswe tukusuma mu Ngamu ya Yeso. Amenĩ.

Pakālipo nayumo ugwakuyapo siku ukulĩngania ubusyũke!

⁴ Lilino, pa lubunju lwa busyũke, akēne ko kabalilo kamogi fiyo ukuti utusekelo utunini ukubōneka nkípanga lilino, uko ko, bamāma ukwĩputisya abāna bābo. Ikyēne kyo kĩndu kimo ikipya, ikĩndukimo kyōngelilĩgwe ku kāya kābo. Ulusayo lumo ulupya lwĩsĩle ku bēne. Kangi abēne bikulōnda, mukugomokesya, ukupa akēne kwa Kyāla.

⁵ Kangi polelo ukufuma pa—pa ndumi ya lubunju, uswe tukubũkāga ukuya nu lwĩpũto kuli babĩne, aba bisakusũsĩgwa ukufuma ku bubĩne bwĩnu, ukubũka mu bukafu bupya. Polelo nakalinga ukufuma apo, ku bābo aba bakōsĩgwa mma, uswe tukuyaga nu busyũke bwa ikyo; yāga nsyĩlĩgwe mmisi, ukusyũka ku bupya bwa bũmi. Ikyēne kyo lōsa palikimo busyũke ulubunju ulu, ubusyũke! Indumbula syĩtu sitēndekĩgwe ukuya nhobofu kangi mbepe, bo uswe tukwĩmba inyĩmbo nukupilikisya ku ma bukēti ga bāngi, ubwa lubunju lwa busyũke uluswĩgĩsye ulu. Kangi uswe tukukēta panja kangi uswe tukukēta Kyāla yp nhobofu pa kyēne, imipiki gikusyũka.

⁶ Akabalilo kámo aka kakĩndĩle, kula ku Kentucky, Tāta. Wood na une twafwĩmāga abalukoti, kangi uswe twābũkĩle ku buyo bwa nnyāmbāla yumo. Unnyāmbāla yula lumo itũgĩsye alipo papapa lilino, ku fyōsa ifi une mmenye. Kangi umwēne ābagĩle ukuya nsitakyāla. Kangi Nkundwe Wood alinkundālũsya umwēne, alinkuti, “Ngimba une mbagĩle ukufwĩma abalikoti mbuyo bwāko?”

Umwēne alinkuti, “Ena, Wood, ugwe ubagĩle ukufwĩma abalukoti. Kindililāga bũkaga.”

Umwēne alinkuti, “Ena, une ndwele u ntimi gwāngu mula.”

⁷ Kangi umwene atile, “Wood, ugwe utikusanusya ukumbula une ukuti ugwe kufĩmbilĩsĩgwa ukufika pāsi fiyo mpaka ugwe kufĩmbilĩsĩgwa ukupĩmba u ndumbilili na ugwe akabalilo kalikōsa!”

⁸ Kangi popāpo umwēne alinkungōlēla une kula uku—uku mbonesa une. Kangi umwĩnitu āyobĩle ukuti umwēne āli fiyofiyō luko lwa mwĩnitu unkali. Umwēne āyobĩgwe na bāngi, ukuti, umwēne ātoligwāga ukukabona kalikōsa ukutēndēka umwēne ukwĩtika.

⁹ Kangi pala gwālipo u mpĩki gwa ma apulo gwĩmĩle pala ugu une nālyāpĩle i apulo limo ukufuma mu gwēne. Ukwēne kwāli mu Ogasiti. Kangi une ndinkuti ku nnyambala yula, Une ndinkuti, “Nkũlu bulebule u mpiki gula?”

¹⁰ Kangi umwene alinkuti, “Ifyinja fimo malongo matatu,” ikĩndukimo pamo ikingi. Umwene āgubyele ugwēne.

¹¹ Kangi une ngukuti, “Ugwe ulile ukufuma mma apulo ukufuma pāpo ugwēne gwāpāpāga?”

“Ena, nkulumba.”

¹² Une ndinkuti, “Ngimba kyo fiki kikuboneka ku mpiki gula? Linga ugwe kwisakugubōna ugwēne, ukwēne lilino yo Ogasiti, kwāli kabalilo akapyāno mōsa mula; lōli lilino amāni gikugwa ukufuma mu mpiki gula, kangi ingolya yikusōkamo mu sām̄ba, ukubuka pāsi mu misisi. Linga ugwēne gukuyāngapo apa ukukīnda nkabalilo ka matalala, umpiki ugu gwisakuya nagumo; lōli ugwēne gukubūka pāsi mu mfu, ukwīfisa gwēne ukufuma ku mbepo indalalifu. Linga ugweene gwaasyeele pamwanya apa, angali ugweene gufwile, ugweene angali gutikupaapa amaapulo kangi mma. Looli ugweene gukubuuka paasi ukwiifisa gweene mmisisi, ukugomokela ikyinja ikikoonge, ukutwaala amaapulo ukufuma kubuyobumo, kangi na maani gamo.”

¹³ Kangi une ndinkuti, “Lilino, nkulumba, une—une ngusuma ugwe umbule une go Mahala maki gikuteendeeka ingolya yila ukusookapo mu mpiki bo ukutalala nakumo kwiisile, kangi yikubuuka paasi mmisisi ukwiifisa? Linga ugwe ubagile ukumbula une kyo fiki kikuboomba ikyo, kangi nukuliingania ikyeene kwa une, kyo fiki kikuboomba ikyeene, Polelo une ngukwitikisyaga ugwe ukubiika ikiboko kyaako pa Kyala.” Une ndinkuti, “Ugwe kubiika amīsi pa liyēngo kangi kēta linga ikyēne kisakubōmbāga ikyēne, kēta linga ukwānduka kwa kabalilo kwisakubōga ikyēne. Galipo a Mahala gamo amakulumba aga gikubopēsya ingolya yila pāsi mu nsisi gwa mpiki, kangi polelo kikutwāla ugwēne ukugomokela kangi nu būmi ubupya. Uyo yo Kyāla.”

¹⁴ Kangi umweene alinkuti, “Une ngabuukamo siku ku kipanga kingi fiyo mma.” Umweene alinkuti, “Loli aalipo undumbilili yumo aalisile panja apa ku Acton, akabalilo kaamo, kangi aalimbulile unkiikulu yumo, iituugasyaga pamwanya pa kaamba, ukuti ulilumbu gwaake aali kula ku lukomano ikilo kila, kangi aalimbulile umweene ukuti umweene iiputilaga uliluumbu gwake uyu aali na kansa.” Kangi alinkuti, “Unkasi na une twaaliko kula ukuntula umweene.” Kangi alinkuti, “Umweene aali mbubibi fiyo, na kansa gwa muunda, mpaka abeene baafimbilisigwaaga ukunsanusya umweene nkitala nu mweenda, na fyosa bo ifyo. Ulilumbu gwaake aatweele akafunga ukugomoka nako,” alinkuti, “ukufuma paapo u nnyaambala yula aalimbulile umweene isya kayiilo kaake na fyooosa, alinkuti, ‘biika ikifunga iki pa mweene.’” Kangi alinkuti, “Umweene ali kanunu umwiisyugu.”

¹⁵ “Kangi ikyeene itolo kibuuka ukunaangisya,” une ndinkuti, “a Mahala galagala aga gayibuulaga ingolya yila mu mpiki, ikyinja pa kyinja, papapa pankyeni pa maaso

gaako, ukubuuka paasi mmisisi nukwiifisa, gaali Mahala galagala aga gaalimbulile une ukuti unkiikulu yula ayaga pakubumbulusigwa akabalilo kaako umweene aabiikile i . . .” Une ndinkuti, “Ikyyo kyo ki—ki kikaya kyambutitu mma. Ugwe uli nu ndumbilili kubutali unnunupo imile ndubingilo lwaako ulwakunkyeeni, umpiki, ugu gukukubuula ugwe kyiinja ni kyiinja.”

¹⁶ Linga uswe itolo tukukeeteesyaga ukusyuungutula, uswe tukukeeta Kyaala palipoosa. Umweene aali nkipiki kilikyoosa, ilyaani lililyoosa lya liisu. Kikayapo nakimo kibagiile ukupapa ikyeene looli Kyaala. Uswe tubagiile ukupaapa ikindukimo kikufwaana bo ikyeene; looli komma ubuumi bula, ikyeene yo Kyaala.

¹⁷ Lilino, ilyaani iliniini lya liisu lyoongeleliigwe mu nyumba simo apa, kangi uswe tukuloonda ukubiipuutula abaana baniini aba kwa Ntwa. Teddy, uswe tuli nu lwiimbo ulunini apa uswe tukwiimba, *Batwāla Abēne Muno*, ubagiile ugwe itolo ukukuba lula akabalilo kaako abamaama aba bikuloonda abaana baabo biipuutiligwe, kangi abaataata, abeene bisakubatwaalaga abanini baabo pamwanya apa ku igemo.

¹⁸ Kangi uswe tuli nago ga mmiingi amalauba ga Paasa apa pa kigeemo ulubunju ulu, bule uswe? Mwe, mwe! Une ngwinogonela apo balipo bannini ba Maria, ba Ruth, ba Rebeke, unnini James, Paul, na John, mosa kubwa kuno, amaluba aminiini ga Paasa kuli ngulilo iyingi.

¹⁹ Ikyeene kyoosa kili kanunu, palapala pala. Une ngusuubila Nkundwe Beeler ikuloonda ukwegelela ipicha iyi iya aka—aka akiniitu akaniini imile apa, umweene yo—umweene yo mwisukulu gwa Nkundwe Wood, Kalumbu Wood pawba apa. Kangi abaangi bikwiisa lilino na baniini baabo bala. Isaga itolo kuno, bakamu. Ikyyo kyo kili kanunu. Nkundwe Neville.

²⁰ Bukulumba bo bumobweene bwa bweegi ubwikemo, ubweene busunguliigwe na Kyaala. Kangi ukwiisila mu bweegi ubwikemo bukutwaala panja aba abaganiigwa abaana abaniini.

²¹ Ugwe kufiimbilisigwa ukumbula une ingamu yaake apa lilino. Brenda Sue. Ugwe kuboneka loosa nkindane, mwanike, ukukiinda akabalilo kaako une naakubweene akaakwanda. Ena, apa alipo unniini Brenda Sue Wood, naloliloli akapala akaniini akoombo ku ndumbula sya twesa uswe, kangi fiyofiyi kwa maama unkeke na taata uyu.

²² Kaangi ntubalilo twa i Baangeli, abandu biingi bikubanyaafila abaana abaniini aba, looli uswe tukugela ukukoonga ulweendelo lwa i Baangeli ukuya kifuki muumo uswe tubagiile, uswe tukakeetamo siki kuuko abeene banyaafiligwemo siku, mu li Baangeli, looli abeene baatwaaliigwe kwa Ntwa Yeso kangi Umweene alinkubasaya

abeene. Kangi uswe tukweega abeene, ukuya baboombi Baake, nu kubafyusya abeene ku Mweene.

²³ Une ngusaubila ukuti umwe mumenye muumo umwiisukulu gwaake ayiiliile usangaluke, umwe mumenye. Popaapo unko uswe twinamisye imitu gyiitu itolo pakabalilo.

²⁴ Gwe Ntwa Yeso, u Mwanike gwa Kyala, Uyu gwaalimpele panongwa ya butulwanongwa bwiitu. Kangi akēne ko kandu akapala ukukeeta iki abaana abaniini batwaaligwe kwa Ugwe, mu kukumbusya kwa iki kyaaboniike ifyiinja fingi ifi fikiindile, akabalilo kaako abamaama na baataata baatweele abaniini baabo bala kwa Ugwe. Uswe tukubakoolelela pankyeeni pa Ugwe, umwiisyugu, mmaboko ga lwiitiko, unniini Brenda Sue Wood, uyu atumiigwe nkikolo kwa Nkundwe gwiitu David nu nkaasi gwaake umpala. Taata Kyala, sayaga umwaanike uyu.

²⁵ Abēne bikwilāta ulwītiko lwābo mwa Ugwe, bo abēne bikutwāla umwāna gwābo ku bumobwēne bwābo. Kangi uswe tukusuma ukuti Ugwe kubasayaga abēne. Kangi indumbula syabo sikulūngusigwa na Mbepo Mwikemo, ukwitūgasya ubūmi bwabunyakyāla, ubwipāgule, ukuti umwanike uyu isakukukusigwa mu kāya aka Kikristi, ukukusigwa mbumanyisigwe bwa Kyāla, nukwitūgasya ubūmi ubutali, ubusangulufu apa pa kīsu, nukukubōmbela Ugwe amasiku gōsa ga būmi bwāke. Kangi mu Lwīmiko, kūko ifikolo fikukomana, unnini Brenda Sue na bāba gwāke na yūba, na bōsa abāndu bābo, balibūnganāga ukusyūngutila i kikota kya Kyala, batabuligwe ni lipyāna lya Kristi, ku lilyo uswe tukumfyūsyā umwēne kwa Mwēne lilino.

²⁶ Kalumbu gwangu, une lilino ngukupaga ugwe kwa Ntwa Yeso Kristi, ku bumi bwa bubombelo ku Mwene, mu Ngamu ya Yeso Kristi, u Mwanundumiana gwa Kyala. Amenii.

²⁷ Kyaala akusaye ugwe, Marilyn, David, ubohofu nu buponjoli bu bwiingi. Unnini yula alituugasyaga ku Kitangala kya Kyala.

²⁸ Lilino, apa alipo undumiana unnunu, ulusekelo ulukulumba ulunyaamu pa kīsyu kyaake. Ingamu yaake? [U maama gwaake ikwaamula. Ubuyo busitakandu pa tepi—Nsimbi]

Sharon Rose... [U maama gwaake ikuyoba, “Sharon Daulton.”—Nsimbi] Daulton. Daulton. Ngimba uyu yo mwaana gwa Nkundwe Ed? Ena, ukufika kimo, kifuki ifyiinja malongo mabili na fibili ifi fikindilepo, Kyaala aalyeegile ukufuma mmaboko gaangu akanini ka Sharon Rose, aka kali ku Mwanya, umwisiyugu. Kangi lilino, ukunsungulila ku Mweene, yo nnini Sharon Rose Daulton. Uswe tummenye Nkundwe Ed nu Kalumbu Dalton, apa, ukuya binitu bapala. Yo mwana nganigwa muki!

Taata gwiitu Gwakumwanya, uswe tukutwaala kwa Ugwe uyu unnini Sharon Rose. Mu kukumbusya kwa nkulumba Ntwa Yeso, Yuuyo aaliimile pa kiisu, kangi abeene baalintwaalile

Umwene abalindwana abanini bo aba, une ngusumila u mwana uyu, Ntwa. Akene kali yaga nu buimi nukuya kaamaka kangu kakafu. Akeene kalituugasyaga ku lwiimiko lwa Kyaala. Sayaga ugwiise nu nna. Kalikusigwaga akeene mu bumanyisi bwa Kyaala. Abeene bikulata u lwiitiko lwaabo mwa Ugwe bo abeene bikutwaala abaana baabo kwa Ugwe. Lilino uswe tukupa kwa Ugwe, unnini Sharon Rose Daulton, ukuti Ugwe kwisakusayaga ubuumi bwaake, Ntwa. Une nguntwala umweene ukufuma mmaboko ga nna nu gwiise, kwa Ugwe, Ntwa nu Mpoki gwaangu, Yeso Kristi, ku lwiimiko Lwaako. Ameni.

Kyāla akusaye ugwe, kalumbu, kangu ugwe, nkundwe.

Oh, Mwe! Undumiana umbinapo, panini. Ngimba kitamiisye fiki? [U maama ikuyoba, “Untu gwaake ukwisa ukuya nnywaamu fiyo.” Ubuyo busitakandu pa tepi—Nsimbi] ... ikindikimo ikikiindane. Une ngumwiitika Umweene.

Ntwa, Kyaala, une ngukolelela kwa Ugwe unuuni Mason. Une ngusuma, Ntwa Yeso, ukuti Ugwe kumweegaga umwanike uyu yuuyo une ngukolelela muno mmaboko mwaangu, ukunsungulila kwa Ugwe. Une nguguna imbungo yiliyosa pa mweene. Mu Ngamu ya Yeso Kristi, unnini Mason uyu alibiikigwaga mmaboko Gaako, Ntwa, kangu imbungo yilindekaga umweene. U mwaana alituugasyaga ku lugiindiko nu lwiimiko Kyaala. Abapaapi bikulaata u lwiitiko bo abeene bikutwaala umweene. Ugwe ulibuumbulusyaga umwanike nukumpela umweene ayege kanunu. Umweene aliyaga muumi ku lwiimiko lwa Kyaala, ukukubombela Ugwe. Ntwa Kyaala, une ngubiika kwa Ugwe unnini Mason, mu Ngamu ya Yeso Kristi, panobgwa ya buumi bwaake nu bubuumbuluso. Ameni.

[Ubuyo busitakandu pa tepi—Nsimbi] Itolo itikaga ni ndumbula yako yoosa.

O, undindwana unnini, yope? Ena, ikyo kyo kinunu. Isaga kunokuno kuno, umwinitu unnini. Ima papapa pamwanya apa. Ingamu yaako yo...? [Ugwiise ikuyoba, “Sumner.”—Nsimbi] Sumner. Nkundwe na Kalumbu Sumner. Une ngusuubila umwe mukufuma ku Georgia, bule umwe? Une nīnagonāga une nākumbukile ulwiiputo. Baliko abaandu biingi paasi pala. Uyu yo... [“Latrelle.”] Latrelle. [“Dwight.”] Dwight. [“David.”] Kangu David. Umwe mupilike ingamu yaabo. Kyaala alisiimbaga ingamu syaabo pa Buuku gwa Buumi gwa Kang’osi.

Taata gwiitu Gwakumwanya, uswe tukutwaala utuganigwa utu utunini kwa Ugwe ulubunju ulu, bo une ngubiika amaboko gaangu pa tungiga twaabo pa mitu gyaabo, utunywiili twaabo utunini ututoofu utwa balumiana aba. O Ntwa, basayaga abeene. Abapaapi baabo baboniisye ulugano lwaabo nu lwiitiko lwaabo mwa Ugwe pa kutwaala abaana baabo. Kangu uswe tukubapāgulila abeene kwa Ugwe, Ntwa, bo abeene beegiigwe ukufuma mmaboko ga bapaapi, ukwimikigwa apa pa kigemo

ulubunju ulu, ukupagulila ubuumi kwa Kyala. Basayaga abeene, Taata. Uswe tukusuuma ukuti Ugwe kubiitikisyaga abeene ukwitugasya nu busangulufu, amasiku goosa ga buumi bwaabo, u Buumi bwa Syeepwa nkiisu iki kikwiisa. Abeene balikusigwaga mbumanyisi bwa Kyala, mu nyumba ya Kikristi.

Lilino, ukwisila mu butume bwa Yeso Kristi, ukupeegigwa ikyakwegelelapo ku baboombi Baake, ukuti abeene babagiile ukukoonga muumo Umweene aboombiile, une ngubatwala abeene kwa Ugwe, mu Ngamu ya Yeso Kristi. Amenii.

[Ubuyo busitakandu pa tepi—Nsimbi]

Kubutali kula nkiisu kya lisuba kya Georgia, umwāna uyu ātwālīgwe kuno na nganigwa gwāke tāta na māma gwāke, ukupāgulīgwa kwa Ugwe pa lisiku lya lubunju lwa lukumbusyo. Umwēne yo buponjoli bwa lipyāna Lyāko mu kikolo kyābo. Une ngusuma ukuti Ugwe kusayaga unnini Renee, unna nu gwise. Kangi abēne babonīsyē u lwiitiko lwābo mwa Ugwe, pa kutwāla u mwānike uyu, ukulōndesya ulusayo Lwāko pa kēne. Kangi umwēne ali yaga mūmi nukuya gwamaka, nhobofu Nkristi, amasiku gōsa ga būmi bwāke. kangi nukuya nu Bumi Bwabwilanabwila mmasiku aga gikwīsa, nkisu iki kikwisa. Tupaga ikyene, Tata. Bo Ugwe gwāpīm̄bīle utundu utunini bo utu, bo bāna aba ulubunju ulu, mu ngōngi Syāko Syēne, ifikolo fibonīsyē u lwītīko lwābo mwa Ugwe, pa kutwāla abēne ku babōmbi Bāko. Kangi uswe tukusaya unnini Renee nukumpa umwēne kwa Ugwe; ukufuma ku ngōngi sya bapāpi, kwa Ugwe. Mu Ngamu ya Yeso Kristi, Ugwe ulinsayaga umwene. Amenii.

Akusaye ugwe, nkundwe. Kyala akusaye ugwe, Renee.

Unko uswe itolo twimbe ilinandi ilinini ilya ulu.

Batwala abene muno, batwala abene nkati,
Batwala abene ukufuma ku migunda gya
mbibi;

Batwala abene, batwala abene nkati,
Batwala abanini bala kwa Yeso.

²⁹ O, mūmo une angali nkuganile ukwīma ndukīndi nukuyōba isya aligwesa gwa abēne abinitu abanini, lōli une itolo ndinkololofu fiyo, mulimosa, kangi abāndu bimile. Nkundwe Wood aambulile une ulubunju ulu, aatile inyuma yaake yaababaga', panongwa ya kwiima. Umwe mukamanya muno une ngupaalisya umwe mwiimile kangi mukuguulila! Kangi une nguyaga gwambibimbibi ni ndumi, muumo mbagiile. Kangi umwe pilikisya naloliloli kifuki.

³⁰ Une ngaali na kabalilo ukutendekesya ubuluumbilili bwa lubunju ulu, pamo indumi iyi ulubuunju ulu, itolo akabalilo. Une naapiimbile akasiimbo na kandukamo aka kaali kakiindane.

³¹ Kangi u Paasa uyu akīndīle une nālumbilīle pa kimanyisyo: "Ukuyamūmi, Umwēne ālinganile une. Ukufwa, Umwēne

ālimbokile une. *Ukusyiligwa*, Umwēne aapimbile imbibi syangu kubutali. *Ukusyuka*, Umwēne ālinsalile kisita ntengo syepwa. Ilisikulimo Umwēne *Ikwisa*, o, ilisiku ilinoge!”

Kangi polelo ulubunju ulu uswe tulumbilile pa kimanyisyo: *Une mmenye*.

³² Kangi lilino, linga Untwa itikisyeye, une ngulonda ukubala ukufuma kwa Mwikemo Mariko. Kangi umwe nyīputīla une lilino.

³³ Kangi mbibimbibi ukufuma pa iki pisakuyapo ububoombelo bwa lubuumbulusyo. Kangi ukufuma pa buboombelo bwa lubuumbulusyo pisakuyapo ububoombelo bwa loosyo. Kangi polelo imboombelo sisakuya pa sala ya buhano-na-ibili-nasinda.

³⁴ Lilino Mariko 16.

Kangi akabalilo u Sabata aakiindile, Maria Magalena, . . . Maria u maama gwa Yeso, kangi Salome, baatweele utuluungo utununu, ukuti abeene baabagile ukwisa nukumpaka umweene.

. . .fiyo ndubunjubunju ilisiku lyaakwaanda ilya ndungu, abeene balinkwisa ku lipuumba ku busookelo bwa lisuba.

Kangi abeene balinkuyoba pakati pa beene, Ngimba ywaani ikutubungulusilaga ilibwe ukufuma pa kifigo kya lipuumba?

Kangi akabalilo kaako abeene baakeetile, abeene baakeetile ukuti ibwe lyabungulusiigwe nukwiiguka: kabuno ilyeene lyaali linywaamu fiyo.

Kangi bo bikwiingila mu lipuumba, abeene balinkumbona unnyaambala unkeke ku lubafu lwa kiliilo, afweele umweenda untali umweelu; kangi abeene balinkuya nulutende.

Kangi abeene balinkuyo ku beene. . .Kangi umweene alinkuyoba ku beene, Mungatetemaga: Umwe mukuloondesya Yeso gwa mu Nazareti uyu aakomeleliigwe: umweene asyuukile; umweene akaya kuno: keeta ubuyo paapo abeene balindambaliike umweene.

Looli buuka pa njila yiinu, kangi kababuule abafuundigwa bake na Peteri ukuti umweene atalwiile pankyeni pa umwe ukubuka mu Galilai: kula umwe mwisakumbona umweene, muumo umweene aayobiile kwa umwe.

Kangi abeene balinkubuka nakalinga, nukubopa ukufuma ku lipuumba; kabuno abeene baali nulutende kangi baaswiigaga: kangi abeene bakayobaga akandu ku maundu aligwesa mma; kabuno abeene baatiilaga.

Lilino akabalilo kaako Yeso aasyukile ndubunjubunju ilisiku lyakwaanda ilya ndungu, umweene aabonekile ikyakwaanda kwa Maria Magalena, ukufuma mwa umweene aakagiile imisyeetano mihano-na-mibili.

Kangi umweene alinkubuuka nukubabuula abeene aba baayaga nu mweene, bo umweene...bo abeene bikukuuta nukulila.

35 Umwe muketile, abeene baali pa kilundiko kya mfwaandilo, bope.

Kangi abeene, akabalilo kaako baapilike ukuti umweene aali muumi, nukuti umweene aaboniigwe nu mweene, balinkusita ukwitika.

36 Gali gaambutuutu bulebule a Masyu ga Kyaale!

Ukufuma pala umweene ku...mbubuumbe ubungi ku babili ba abeene, bo abeene beendaga, nukubuuka ntwaaaya.

Kangi akabalilo kaako...kangi balinkubuuka nukukiyoba ikyeene ku basyaale: kangi abeene balinkusitakwitika abeene.

Ukufuuma pala umweene alinkubonekela ku balongo na yumo bo abeene baalitugesye bikulya, nukubakemela abeene na iki...panongwa—panongwa ya kusitakwitika nubukafu bwa ndumbula, panongwa yakuti abeene bakaaliitike abeene aba baalimbweene umweene ukufuma paakuti umweene aafyuukile.

Kangi umwene alinkuyoba ku bene, Bukaga umwe nkisu kyosa, ...lumbilila inongwainunu ku kipeligwa kilikyosa.

Uyu ukwitika kangi ikosigwa isakupokigwaga;... umwene uyu atikwitika isakutagigwaga.

Kangi ifimanyilo ifi fisakukongaga abene aba bikwitika; Mu ngamu yangu abene bisakusatisyaga imisyetano; abene bisakuyobaga ni ndimi imbya;

Abēne bisakupĩmbága injoka; ...linga abēne bikunwa kalikōsa akakufwa nako, akēne katisakubafulasya abēne; abene bisakubĩkága amaboko pa babine,... abene bisakubumbulukaga.

Popāpo polelo ukufuma pāpo u Ntwa āyobile ku bēne, umwēne alinkwambililígwa mmwanya, nukwitugasya ku kiboko ikitalusye ikyā Kyāla.

Kangi abene balinkubuka, kangi u Ntwa ikubomba imbombo isi, u Ntwa ikubomba na bene, ikusisimikisya i lisyu ni fika fikukonga. Ameni.

37 Une nguloonda ukweega ubusiimbe ufuma ku masyu mabili: Būka, Kababūle.

³⁸ Umwe mumenye, ikyeene kitikuboomba ubununu bwiingi ukubuuka linga ugwe ukuya nakyo ikindukimo ukwakubabuula. Une ngwinogona ulo lo lwaali luluundiko loosa ulwa lutamio umwiisyugu. Uswe tukubuuka ukwakubabuula, uswe tukubuuka loli ukuya nakyo nakimo ukubuula, nakimo ikya mfunjo, nakimo iki kyaabagiile ukutula abaandu.

³⁹ Looli linga uswe tukukoongaga indagilo bo aba abafuundigwa aba balinabo ubutumigwe, uswe tuli nabo ubutumigwe bulabula, “Būka, kababūle abafuundigwa Bāngu ukuti une nsyuukile ukufuma ku bafwe.” Buuka, kababuule ikyeene!

⁴⁰ Polelo Umweene ikuyoba, “Buuka, kaluumbilile ikyeene, nukwakunaangisya ifimanyilo ifi ukuti une ndi muumi ukufuma ku bafwe.” Yo ndumi nki! “Būka, kababūle, kangi būka, kabanāngisye abafūndigwa Bāngu ifindu ifi ifi umwe muketile, ukuti une ngaya mfwe mma, lōli nsyūkilē ukufuma ku bafwe.”

⁴¹ Indumi ya kulubunju ulubunju ulu, uswe twaagile ukuti aligwesa gwa uswe ali nako nduundiko inini sya mfwaandilo sya ndamyo ni ngelo ulu uswe tukwitugasya nukubwatalala pa mwanya, utubalilo tumo, ukuguulila ku lubatamiso. Uswe tukwaaga ukuti u taata unkulumba Job aali ni mboniboni, panongwa yakuti abeene baakaali bakaali na Paasa taasi, looli umweene aaketile ifyiinja maelifu mana kubutali ulubunju ulu. Umweene aakeetile ifyiinja maelifu mana kubutali, u Paasa, kangi alinkukuta, mbutolwe bwaake, “Une mmenye u Ntabuli gwāngu gwabūmi! Amasiku gabumalikisyo, Umwene isakwīma pa kisu. Palema nalinga ifwīngili syamumbili sikōnanga umbili ugu, lōli mu mbili gwāngu une nisakumbona Kyāla.”

⁴² Lilino, ukufuma pa Paasa, uswe tukwaaga ukuti Kyala aalimpeele u muundu ubutumigwe, “Buuka, kababuule! Kangi linga ugwe naloli kubabuula, *iki* kisakukukoonga ugwe. Buuka kangi kababuule!”

⁴³ Lilino, ikyeene kitikuboomba ubununu nabumo, muumo une njobiile, ukubuuka, ukubuuka, pene paapo ugwe ulinakyo ikindukimo ukwakubuula. Kangi linga ugwe uli ni ndumi insobi ukwakubuula, polelo ikyeene kitibuboomba ubununu bulibooa. Ugwe kufiimbilisigwa ukwakubuula iki kyo kyambuutiutu.

⁴⁴ Akabalilo kamo aka kakiindile une naabalaga ilibuuku, isya ndumiana unniini uyu aali... aalingile mbukino. Kangi mbukino ubu umweene ayaga pakwiteendeka umweene ingamu imfumuke. Undumiana unniini aligwesa uyu aabagiile ukukyunga ilisyu-lya-kwiingila mu liinogono lyaake mpaka umweene aafikile ku buyo bumo, kangi umweene aayobaga ilisyu-lyaakwiingilila ili, kangi unkyunga-kipata aamwitikisyaga umweene ukukiinda. Kula kwaali ko kugela u IQ gwa mwanike. Kangi akabalilo kaako umweene aafikile ku buyo, ukuyoba ilisyu-lyaakwiingilila ili umweene aapeegiigwe

ku mweene, ikipata kiigukaga kangi umweene abaagiile ukukaba ulugiindiko ulukulumba.

⁴⁵ Undumiana yumo unniini, ukuya mwengo-malundi fiyo, kangi aamenye kanunu kangi kanunu ukuti umweene aabagiile ukubatola boosa ba balumiana abangi ukubopa mu bukino ubu, pamo umweene inogonaga umweene aabagiile. Umweene alinkwiiyisibisya ilisiku ukufuma pa lisiku, isya kubopa. Muumo umweene aatuyisyaaga amabagaya gaake, ukubiika umbili gwaapanja gwaake mbusekele, ukuti umweene angakatalaga bo umweene ikubopa. Kangi umweene alinkwiiyisibisya akaandilo na malundi gaake, kangi nukuya nukubiika untu gwaake nkyeeni mwa bosa ba balumiana abangi. Kangi muumo fikuti umweene aabagiile ukutuuya nkabalilo ka kubopa, ukuti umweene aabagiile ukukyuunga u oksijini uyu isaga mu mbili gwaake, ukunyuunga umweene ukukindilila ukutuuya, ukuti ikyeene kilingakolosyaga indumbula yaake fiyo mma. Umweene aafundile ikyeene ukufuma mbuketelo bulibosa ubu umweene aabagiile.

⁴⁶ Kangi ndubunju ulu ulubopesanio lwaandaga, balipo ukukiinda abalumiana ba mia batatu na malongo mahano bimile mbugoloke, pa ngulilo yimo. Undumiana unniini uyu aali looli gwa bunywaamu bununu, ku ngulilo yaake. Kangi umweene aakumbukiile boosa ubufuundigwa bwaake. Kangi umweene aaliteendekiisye. Abeene balinkufika pa bugolosye bula, ukubiika utwisyo twaabo utunini pa—pa ndisi ulu lwaaliisile mula, ukuguta utumbulo twaabo utuniini pamwanya pa ugweene. Umweene aafuundile indagilo syoosa isya kila, ukwiiteendekesya mweene.

⁴⁷ Kangi polelo akabalilo kaako indusu yaatusuligwe, kangi undisi gwatumuliigwe, abalumiana abaniini bala balinkunyeela nkyeeni. Kangi umiana unniini uyu yuuyo aali fiyo gwakufwaana mumbili mpaka umweene aanyeelile kubutali pankyeeni pa boosa ba abeene. Kangi ukusuluka pa nsebwe umweene alinkubuuka pa bwengo ubukali, umfundigwe kanunu, mpaka umweene aabagiile ukuntola undumiana aligwesa uyu aali mu bobepesano bula. Kangi umweene aali pala, o, akabalilo kamo akatali, lumo i miniti pamo katalipo, bo abanunu fiyo abāngi ababopi bakāli bakafikilepo siku pa buyo bula.

⁴⁸ Lōli, ukufūndisigwa kwamumbili kōsa, umwēne ālibwibwe ilisyu-lyākwingilila. Umwēne ālibwibwe ki kindu kilakila iki umwēne ābagile ukuyoba, ukuti bāmmwitikisye mu kipata. Kangi umwēne alinkwikanyanga ukusyūngutīla, nukwīnogōna ilyēne, nukulōndēsya ukukīnda mu linogono lyāke. Umwēne ālōndile fiyo ifīndi ifyābwīla, ifipalamāsīgwe ifya mbili gwāke, mpaka umwēne ālibwibwe ikindu ikinywāmu. Ukukīnda, pāsī pa lukīndi lūla, bamo mwa balumiana aba bakābōpīle

mbibi fiyo mma, balinkukumbukila ilisyu-lyākwingilila, kang'i balinkwingila mula.

⁴⁹ Momūmo kuyilile ukwēne umwīsyugu! Uswe tukunyonywa fiyo ukuyēnga mbwīputilo mbukulumba, ni fipānga ni miyūmba, na fyosa bo ifyo, kang'i tukunyonywa fiyo ukukyūnga ifipānga fyītu mbupupute, ni miyūmba iminunu ni fikota ifipuputigwe na malōnge amanunu. Abalūmbilili bītu bafūndisigwe kanunu fiyo ukufuma... Abēne bali na Dokotala DL., Ph.D., LL.D. amadigiri, lōli uswe twībwībwe iki uswe tukubopela. Ulo lo lutamio. "Būka, kababūle abafūndigwa Bāngu ukuti Une nsyūkile ukufuma ku bafwe kang'i Une ngwanaga na bēne mu Galilai." Uswe twībwībwe ilisyu-lyākwingilila. Uswe twiyēkile ni fīndu ifīngi, ukutēndēka ifipanga-fipāgūke ifinywāmu, mpaka uswe twībwībwe ilisyu-lyākwingilila.

⁵⁰ Imibūmi mīngi gipokigwe panongwa ya kwītendekēsya isekelo isi sikwīsa. Akabalilo kāmo aka kakīndilepo, une nābūligwe ukuti mu Florida, u nnyāmbala untwalanōngwa, i kampani ya syākabalilo, yātumile pānja ukufumusya kwa kabalilo ukuti kukuyāngāko umbelo unkulumba gukwīsa. Kang'i u mūndu yumo āli nkusya nguku, kang'i umwēne alinkubūka ku mpalamani gwāke nukumbula umwēne ukuti umbelo gukwīsa. Umwēne akinkupīka, kang'i alinkuti, "Butoyofu!" Kang'i umwēne itolo alinkukīndilila. Umwēne alinkusita kusibīka inguku syāke. Umwēne akabukilemo nkibwīna. Umwēne akātēndikemo siku ukwītendekīsya. Kang'i umpalamani gwāke nalōli ātēndike ukwītendekēsya. Lōli bōsa, ukufuma pa yumoywene uyu akālyēgile ubusoke, syōsa isya nguku syāke silinkupūtigwa nukugogigwa, inyumba yāke yilinkuswānyuligwa pāsi, ikyūma kyāke kyātāgigwe, umwēne ātumigwe ku kipatala. Fyosa ifi panongwa yakuti umwēne akālyēgile ukupilikila nu busoke! Umwēne āmenye indumi yāpegigwe, lōli umwēne ātoligwe ukupilikila indumi.

⁵¹ Iyo yo njila yiyo ikyēne kiyilile umwīsyūgu, na bīngi ba bāndu bītu, ni fīngi fya fipānga fyītu. Uswe tumenye ukuti i Bāngeli likumanyisya ukuti Yeso Kristi yo yuyo mmayolo, umwīsyugu, na bwilanabwila. Uswe tumenye ukuti i Bāngeli likumanyisya, Yeso ayobile, mwa Mwikemo Yohani 14:12, "Umwene uyu ikwitika mwa Une, palema nalinga, imbombo isi Une ngubomba isakubombaga yope; inywamupo ukukinda isi isakubombaga umwene, kabuno Une ngubuka kwa Tāta." Lilino uswe twanyonywaga ifindu ifīngi, kisita kwitikisya ubusoke, kisita kupilikila. Uswe tubopile, lōli kisita kupilikila i Ndumi. Uswe tubūkile, lōli tukāmenye ikyakubūla akabalilo uswe tukufika kula.

⁵² Amasiku amanandi aga gakīndile akabalilo kāko ifipānga fya nkīsū iki, akabalilo kāko ifipānga fya Kikristi fyātwaligwe ku bukosityoni nubuywēlufu, akabalilo kāko unjindikigwa kang'i ummanyikigwe kang'i untila-Kyāla umbombi, Billy

Graham, ātwālígwe kisyo na kisyo ni i Bāngéli. Umwēne ābopíle, lōli ālibwíbwe i Ndumi; akabalilo kāko yula Gwamuhāmdi ālīmíle ku kīsyo kyāke nukumbula umwēne, “Linga ili libāgíle ukuya Lisyu Iya Kyāla, unko uswe tukukēte ugwe kulitēndekāga Ilyēne libonekelēga pabwēlu.” Umwēne ābopíle kanunu, isasānio ingulumba, ifindu ifikulumba. Lōli, akabalilo kāko ikyēne kikwīsa pa buyo, umwēne akāli nayo i Ndumi.

⁵³ “Une yone uyu asyukile ukufuma ku bafwe. Une ne yuyo mmayolo, umwisyugu, na bwilanabwila.” Ukubopa mumbili, ifipānga ifinunu, ifilūndílo fīngi, ifipanga-fipāgúke ifikulumba, lōli ikyo kikaya kyakwigulila mma. Kētésya iki kyākongíle, “Kangi ifimanyilo ifi fisakukōnga abēne aba bikwitika.” Būka, lōli akamēnya ikyakubūla.

⁵⁴ Kyāla akatumamo siku u mūndu pene pāpo Umwēne ikumpa umwēne ikindukimo ikyakuyoba. Kyāla akabalilo kōsa ikusisimikisya i Lisyu Lyāke.

⁵⁵ Ukubūka, lōli kisita kuya gwakubāgila ukubūla akabalilo kāko ugwe kufika kula. Kali bo bunywāmu buki bwa sasanio syīnu, bo bunywāmu buki bwa fipānga fyīnu, pamo bo bwīngu bulebule ikikipānga-kipāgúke kyīnu kikukīnda ifīngi, linga umwe mukaya nakyo ikindukimo ukubabūla abēne, ngimba umwe muli na kaki lōli ikibugutila kya bāndu bībūngénie palikimo bo kubugono?

⁵⁶ Uswe tuli ni Ndumi iyakukibūla ikīsu, “Yeso yo mūmi! Umwēne akaya mfwe mma!” Ukipilikila i Ndumi!

⁵⁷ Nkīsu ikikulumba iki iki uswe tukupalisya, United States of America, mōsa mu fuluganikane mwāke, mu bōsa ubulogwe bwāke, mōsa mu bubibi bwāke, pōpe ikyēne kyo kīsu ikikulumba ukukīnda nkīsu, kangi mbwandílo, panongwa yakuti ikyēne kyābīkígwe nubutalusye. Ikyēne kikapímba i Ndumi.

⁵⁸ Ifyīnja fīngi ifi fikīndílepo, akabalilo kāko ikyēne kyāli mbwanike bwāke, akapāngo kakwīsa ku līnogóno, ukuti a baBritain bayaga pakwēga ubukabi-bwatwesa ubwa kīsu iki. Kangi kyālipo ikibugutila kya banyāmbāla aba bālibungenie bēne palikimo kāngi bāli pa mbombo, ukukētésya. Kangi yālipo ifalasi yimile yipinyililígwe, kangi untogi itēndekīsyē ukwitoga akabalilo kálikosa. Ikindu kyākwānda umwēne alinkwēga ikimanyilo ikyākúti a baBritain bisaga, kangi umwēne alinkwitūgasya pa falasi yāke. Ngimba kyo kinunu kiki ikyēne kyābagíle ukubōmba ukufimbilisya i falasi yāke? Ngimba kyo kinununki ikyēne kyāyaga, ukukoma i falasi nukugela ukutēndéka injila yāke ukufuma ku kipānga kila ukubūka ku Boston? Ngimba kyo kinununki angali ikyēne kibōmbile ku mwēne linga umwēne akāli ni ndumi ukubabūla abāndu? Abēne angali bamenye bulebule ikwitendekesya bēne?

⁵⁹ Abītu abalilino aba Paul Revere babopile kanunu fiyo, lōli, abēne bikubopa itolo, yikayapo i Ndumi. Isala yili

apa, ubutolwe bulipo! Ikĩsu kili kubumalikisyo! Ifipānga fyāgéne nu bumalikisyo bwābo. Ifikolo fyāgéne nu bumalikisyo bwābo. Ubūmi bwa būndu bufikile pa bunoge bwāke. Sayansi yāgéne na bunoge bwāke. Uswe tupāngénie nukutēndéka ifipānga ifinywāmu, ukupupūta abalūmbilili bītu kangi mūmbīli ukubabāmbika abēne, ukuti abēne bikumanya akabōmbelo ka masyo amabōmbi gābo na masyo agakutula amabōmbi, kangi nu tōgo twābo kangi—kangi na gōsa na mavawelo gābo, kangi kilikyōsa itolo itolo mula mu saikoloje, ukukola abāndu. Lōli ikyo kikāli iki Yeso āyobīle!

⁶⁰ “Mu Ngamu Yangu abene bisakusatsiyaga imisyetano. Abene bisakuyobaga ni ndimi imbya. Linga injoka ingoge yisakubalumaga abeene, iyeene yitisakubafulasyaga abeene. Linga abeene bikubiika amaboko gaabo pa babine, abeene bisakubuumbulukaga.” Ikisu kikufuumbwa untumigwa ni Ndumi, ukuyoba ikindukimo, nukumanya kuuko i Ndumi yikufumilako kangi kwa Ywaani Iyeene yikufumilako.

⁶¹ Paul Revere, bo umweene ikwitoga pa falasi yaake, unnyaambala unkifu, unnyaambala uyu ali mu syambukulu akabalilo koosa apa kilipo ikiisu ukuya ni syambukulu. Umweene aateendike ukwitoga ukupaaguligwe kula ukufuma pa mfyukilo ga kipaanga, ni ndumi iyi yaasokile aligwesa, ukufuma ku ndondo ukukinda ukubuke ku nkabi ukukiinda, ukufuma ku ndimi ukubuuka ku gwaambombo, “Aba Britain bikwiisa!” Kangi abanyaambala ba kabalilo balinkwiteendeka beene ukwiiteendekesya ku butikigwa. Kangi ikikolo ikikulumba iki kyaapokiigwe.

⁶² Linga ikilingo iki kya Kyala, linga abaandu aba baabo Kyala aafwiilile, linga i Kipanga iki kikyo kikukooeligwa ni Ngamu Yaake, kisakupokigwamo siku, uswe tukufimbilisigwa ukuya nu ntumigwa ni Ndumi ukufuma ku Kikota, ukwaagana nu matati ga lisiku ili. Alipo Goliati, looli Kyala isakuya naloliloli na Davidi pa buyobumo. Uswe tukufiimbilisigwa ukwaagana nu kukolelana. Uswe tukufiimbilisigwa ukuya ni . . . Uswe tukufiimbilisigwa ukuya ni Ndumi.

⁶³ Uswe tukubuuka, looli nakyo nakimo ikyaakuyoba. Ikyeene kikulisimikisya ikyeene, akabalilo kaako uswe tukwiisa ku buyo ukuti ikiisu pamo abaandu aba bikukaana Yeso Kristi ukuya yo Mwanundumiana gwa Kyaala, kangi bikwiima nkisyo kya balumbilili ba matati ukukiinda aba lisiku ili. Kangi polelo mbwibuungano ubukulumba ubwa kipaanga, ukwaaga aba kiKomyunisti baamo malongo matatu bikupiimba ifikalatasi ku fyiinja malongo mabili pamo malongo matatu, ukuti abeene bo mbakasya sya kipani kya kiKomyunisti, mfipaanga fyiitu ifibuunganie. Ngimba tubagiile ukuboomba fiki uswe? Ikyeene kikunaangisya ukuti abeene babopile kisita Ndumi; ukugulisya panja bulabula bu bwaabuke bwakupaapigwa ubwa

kikolo, ukugulisya ubwaabuke bwakupaapigwa ubwabwiila ubwa Kipanga.

⁶⁴ Ikyeene kyoosa kisile ku buyweluke. Ikyeene kisile ku buyo bwakuti i Kipanga ikinini iki kiitike i Ndumi, kangi kiimile pa malundi gosa mabili, na maso gaabo gali pa Kipingika, mu ndumbula yaabo ubusyuuke bwa Yeso Kristi, sikupya! Ikyeene kifikile ku buyo kuuko ifikolo fikusfiimbilisigwa ukulyaagania Ilyeene. Ikyeene kyo ku buyweluko. Yo nongwa yo yakuti ifipaanga. . . Akabalilo kaako u Lukomano lwa Fipaanga, ikyeene kili fiyo kilukiigwa na ba kiKomyunisti, yo nongwa abeene bakabagila ukwitika mu kikiinda-kipeligwa. Yo nongwa abeene bakabagila ukwitika mu bubumbulusyo Bwamwakyala; abeene bakaya nayo i Ndumi yiliyosa mu ndumbula syaabo, kali abeene bikubopa nu bukafu bulebule.

⁶⁵ Linga u Mbepo Mwikemo ikwisa mu ndumbula ya muundu, umweene isakwitika ukuti Yeso Kristi asyukile ukufuma ku bafwe, kangi Umweene ali nu bumi mu mweene, ukubomba, kangi ukubomba ubwiigane ubu Umwene iisile ukubombaga; u bwiigane, u bwiigane bwa Kyaala ukwisila mu buumi bwa nnyambala yula.

⁶⁶ Looli, ulutamia, uswe tukubopa, uswe tukubuuka kisita Ndumi. Uswe tukubuuka nu bufunda-kyala. Uswe tukubuuka nu luko lumo ulwa kulingania kwa kipanga kwa Masimbo.

⁶⁷ Uswe tukufiimbilisigwa ukubuuka nu busyuuke! “Buuka, kababuule abafuundigwa Baangu ukuti Une nisakupaangania ikipaanga ikipya”? Umma, nkulumba! “Buuka, kababuule abafuundigwa Baangu ukuti une nsyuukile ukufuma ku bafwe, bo une naayobiile une ngubombaga.” Iyo yo Ndumi ku Kipanga ulubunju ulu, ukuti Yeso akaya mfwano mma. Umweene yo muumi, kangi itolo u nkulumba kangi gwamaka umwiisyugu bo muumo Umweene aalimo siku.

⁶⁸ Uswe tutalile twaali ni ndumi sya busoke nyiingi, ukwiteendekesya, Paul Revere na banyaambala abaangi abakulumba, kangi imibwiite na mibelo imikulumba, ni fiindu.

⁶⁹ Polelo, Kyaala ikutuma I Ndumi ya busuubisyo, yoope. Iyi yaali Ndumi ya busuubisyo.

⁷⁰ Akabalilo kamo aka kakiindile, akabalilo kaako abeene baali nu butumwa Kwitongo, abaBunu baatweele ukukilania ukufuma kula ku South Africa abenekaya, iki uswe tukukoolela, “umuundu gwaalaangi.” Kangi abeene baabatweele abeene kuno nukubuulisa abeene ku ba kiMerika kula Kwitongo, ukupela abatumwa ukufuma ku beene.

⁷¹ Ukusaambuka ukukulumba ukufwana ni kyeene mu Africa umwiisyugu, ukugogana, na fyosa bo ifyo, fikubombigwa. Abeene bikulwiila ubwaabuke bwaabo. Abeene bali nu bwaabuke ukulwiila ubweene. Kyaala aapelile u muundu; u muundu aapelile abatumwa. Ikyeene kikaloondigweemo siku.

⁷² Ifyinja finini ifi fikiindilepo, une naali mu kolisiumu, pamo mbukyungila ifyaiyolo, ndigi. Une nendendekaga ukusyungutila, ngukeeta ifipiicha ifikindanekindane ni fiindu, kabuno une ngunyonywa ifyakwaata. Une ngwinogona Kyaala ali mu fyaakwaata. Kangi une ndinkubuuka kula, kangi une ndinkukeetesya pala aalipo unnyambala gwa kiNegro unkaangale, umweene aali naloliloli nkaangale, iinamile paasi mfibega fyaake, itolo akakolofwa ka nywiili ku nyuma kwa ntu gwaake. Umweene aafweele ikitili kyaake. Kangi umweene endaga ukusyungutila, kangi ikindukimo nkayilo *kala*, ikukelengania, ukuya ngati umweene aakeetesyaga pamo aalondaga ikindukimo mbukyungila ifyaiyolo mula. Une ndinkwimila ku nyuma nukunkeetesya umweene pa kabalilo kamo.

⁷³ Kangi ukukiinda akabalilo umweene alinkwisa ku kabokosi kamo akanini pala. Kangi umweene alinkukeeta nkati mu keene, kangi alinkuswiiga, kangi amaso gaake galinkwēluka. Umweene alinkunyelela ku nyuma ukufuma ku kibokosi pa miniti, alinkufuula akatili kaake akaniini akaboneka bo kyakwigalilila. Kangi une ndinkunkētésya umwēne. Kangi bo unkāngale untītu yula inamisye untu gwāke, amasosi gikwaanda ukugwa ukufuma mu njegeyege syaake. Kangi une ndinkunkeetesya umweene ni kiswiigo, pakabalilo kanini kamo.

⁷⁴ Polelo une ndinkwinogona, “Une nisakusyaganiaga iki umwinitu unkaangale yula aanyomosigwe nakyo.” Une ndinkusegelela ukusyungutila pa lubafu *ulu*, kangi ikylene kyabonekaga kwa une ukuya diresi nkati mula.

⁷⁵ Kangi une ndikunketa umweene imile pala. Kangi une ndikusegelela, une ndinkuti, “Mubobile ugwe, jomba?”

Kangi umwene alinkuti, “Mubōmbile, nkulumba.”

⁷⁶ Kangi une ndinkuti, “Une ne ndumbilili. Une naaswiigile ukukubona ugwe kupa ulwiiputo pa buyo ubu.” Une ndinkuti, “Une mbagiile ukwinogona ugwe guli Nkristi.”

Umwēne alinkuti, “Ena, nkulumba.”

Kangi une ndinkuti, “Ngimba fiki fikusangalwisye ugwe fiyo?”

⁷⁷ Umwene alinkuti, “Gweisa kuno.” Kangi une ndinkwenda nu mwinitu unkaangale, ukukilania kula. Umweene alinkuti, “Ugwe kukeeta ilidiresi lila?”

Une ndinkuti, “Ena, nkulumba.”

Umwene alinkuti, “Ugwe uketile akatondobia pamwanya apo?”

Une ndinkuti, “Ena, nkulumba.”

Alinkuti, “Bika ikiboko kyako pa lubafu lwangu.”

Une ndinkuti, “Ngimba ikyo kyo magengelemia nimwene?”

⁷⁸ Umwēne alinkuti, “Ikikoti kya butumwa kyābukile ukusyungutila apo, ilisiku limo. Kangi *ilyo lyo* lilopa lya Abraham Lincoln.” Umwene alinkuti, “Iilopa lyāke lyāsisisyepo ikikoti kya butumwa ukufuma pa une.” Alinkuti, “Ngimba ikyo angali kikakusangalusya ugwe, nugwe?”

⁷⁹ Une naalimile pala mu buswigo. Une ndinkwinogona, “Linga ililopa lya Abraham Lincoln lyābagile ukusāngalusya—lyābagile ukusāngulúsyā untumwa, panongwa ya kusōsyápo ikikoti kya butumwa ukufuma pa mwene, kyo kiliku i Lilopa lya Yeso Kristi libagile ukubōmba ku bānda bo Rosella apa, uyu āli ntumwa ku bwakinwelwa; kwa une, ngufwa, umpelakisa umōnangike?” Umwēne āsōsisyēpo ikikoti kya butulwanongwa ukufuma pa ndumbula yāngu. Ngimba iki kikabagile ukusangulusya u mūndu? Ngimba ikyēne kikabagile ukuntēndēka umwēne ukwipilika mbukīndāne? Ngimba ikyēne kikabagile ukuntēndēka umwēne ukutīla akabalilo kāko umwēne ikwinogona isya ikyēne? Ugwe ukabagīla ukukēta mpiki kisita kwinanisya untu gwāko, kifuki, umenye ukuti Yeso ātabwīle ubūmi bwāko pa mpiki gula.

⁸⁰ Bo uswe tukukīndīlīla, akabalilo, na batumwa, kangi ulwinogono lwītu. Bwālipo ubufumusye, Ubwabulo bwa Bufumusye, ubu bwa sainīgwe, kangi abatumwa bayaga pakuya bābuke pisiku lyakuti. Umwe mukamanya, o, linga ugwe ukaganamo siku na Kristi, ugwe ukumanyamo siku iki kikusanusya ku batumwa bala. Akabalilo kāko ikyēne kyābūkīle, indumi ukukīnda mōsa nkīsu, ukuti, “Umwe mukuyaga bābūke ilisiku lyakuti-na-lyakuti, kubupānde bwa lisuba. Umwe mwisakuyaga bābuke. Umwe mutisakufimbilisigwa ukufwāla ifipapa fya batumwa kāngi mma, kangi mutisakuyaga nu kufyāpuligwa kāngi mma. Loli umwe muli bābuke, kangi umwe muli benekaya ka uyu unkulumba United States. Umwe mukaya kangi mma ntumwa, ukufuma bupānde bwa lisuba pa lubunju lwakuti-lwakuti.” O, nukugūlīla ukukulumba abēne balinkugūlīla.

⁸¹ Linga untulwanongwa ābagile itolo ukukēta ikyo! Linga untulwanongwa ābagile itolo ukupilika i Nongwainunu iyabwanaloli! Komma ukwilūngisya ku kipanga, lōli ukulūmbilīla kwa Nongwainunu, ukuti ugwe ubagile ukuya mwābūke ukufuma ku butulwanongwa, ukuti ugwe ubagile ukuya mwābūke ukufuma ku bubīne. “Pa kabalilo kamo kakuti-kakuti,” ako ko kabalilo ugwe kwitika.

⁸² Umwe mumenye, abatumwa bala baasangalwike fiyo kangi paasi pa kuguulila kula, ukuguulila isala iyi abeene bayaga pakuya baabuke, mpaka, abeene bikumbula une, ukuti abeene babuungene paasi pa kaamba, abamaama na baana abanini, bosa babuungene, kangi bamo ba beene bakaangale. Kangi abeene balinkufyuuka pamwanya pa kaamba, kifuki pakilo pakati. Abeene baamenye akabalilo kaako ilisiku

likupaanda kang'i ilisuba likwiisa mmwanya, ukuti abeene bikuyaga baabuke. Ikyeene kyaayaga pakweega sinda gwa miniti ukumulika ilisuba ukufuma pamwanya pa kaamba, looli bamo ba beene baali pamwanya pa kaamba, bikuketelela, bikuketelela. "O, akabalilo kaako ilisuba likupaanda, uswe twe baabuke." Yula aali yo m-w-a-n-u-n-d-u-m-i-a-n-a... pamo l-i-s-u-b-a.

⁸³ Looli akabalilo kaako u M-w-a-n-u-n-d-u-m-i-a-n-a ikufyuuka limo mwa masiku aga! Kang'i akabalilo kaako u M-w-a-n-u-n-d-u-m-i-a-n-a kifuki ifyinja elifu na malongo lwele na limo ifi fikindile, Umweene alinkulatula ingoye syoosa isya butumwa, Umweene alinkwabulila untumwa aligwesa ku bwaabuke, Umweene aabumbulwiisye ububine buliboosa, Umweene aapeele ubwaabuke ku bala baabo bali mminyololo. Muumo uswe tukuloondigwa ukufyuuka nukuketelela!

⁸⁴ Kang'i akabalilo kaako ilisuba lilinkuteendela pamwanya, ikyaakwanda, unnyaambala aali pamwanya fiyo, alinkulibona ilyeene, kang'i alinkulāta paasi ku nnyaambala ugwakukoonga, "Uswe tuli baabuke!" Kang'i u nnyāmbala unkōnge alinkulāta ku nnyāmbala pabutalipo pāsi pa kām̄ba, "Uswe tuli bābuke!" Mpaka iyēne yafikaga ku bugonelo, "Uswe tuli bābūke!" Kabuno, ilisuba lyaafyuukaga, abeene baaguulilaga, baguulilaga, baguulilaga ku sala yila.

⁸⁵ Bo bwingipu bulinga uswe tubagile ukuguulila, umwiisyugu, kuli u M-w-a-n-u-n-d-u-m-i-a-n-a gwa Kyaala. Uswe tuli baabuke ukufuma ku butulwanongwa. Uswe tuli baabuke ukufuma ku minyololo. Uswe tuli baabuke ukufuma ku tusumo. Uswe tuli baabuke ukufuma ku kukwesa, ukunwa, ukwendendeka na bakiikulu, panongwa yakuti u M-w-a-n-u-n-d-u-m-i-a-n-a gwa Kyaala afyuukile ukufuma ku lipumba kang'i alatwiile imbingo syoosa. Ubutobesigwe boosa bukiindile! Ukumeleligwa kuhoombigwe. Ulufuundo luhoombigwe. Imbiibi sisukiigwe, kang'i uswe tuli baabuke. O, uswe tuli baabuke, baandu! Butumwa? Bwaabuke, akabalilo kaako u Mwanundumiana gwa Kyaala ikufyuuka nu bubumbulusyo mmapiko Gaako!

⁸⁶ Ilisikulimo Umwene isakusumukuga ukufuma ku Kikota, ukugomokelaga ku kisu. Kang'i polelo uswe twisakuyaga baabuke ukufuma ku bubabe boosa kang'i ingelo syoosa, baabuke ukufuma ku ukubaba koosa ukwa mbili na kilikyosa iki kikuboombigwa nu buumi bwakufwa, ukuya buumi nu Mweene akabalilo koosa. Uswe twisakuyaga baabuke. "Buuka, kababuule," ikyo kyo kindu ukuboomba.

⁸⁷ Ntubalilo twa i Baangeli, kyaalipo ikiyinja kya lusekelo lwa jubilii kikwiisa. Abaandu aba baalyulisiigwe panongwa ya kumeleligwa uku abeene bameleleligwaga, abeene bameleleligwa ifyakumeleligwa kang'i abeene baatoligwaga

ukuhoomba ikyeene, popaapo abeene balinkubuuka nukwiigulisya beene ku baandu, ukuya batumwa. Kangi abeene bafimbilisigwaga ukuya batumwa baabo, abatumwa abapinyigwa baabo, ubuumi bwaabo boosa. Looli, akabalilo kalikosa kamo kingikingi, pala pisaangapo ilisiku lya ipyaana, iki kyamanyigwaga ukuya kyiinja kya lusekelo lwa jubilii. Kangi akabalilo kaako ikyiinja kya yubilii kyaafikaga, polelo pala paabuukaga umpuuti panja nukukuba ingangabwiite. Kangi ingangabwiite yila yasanusyaga ku ntumwa aligwesa, kali ko kabalilo katali kaki umweene aaboombile kangi kali kwāsyeye akabalilo katali kaki akakuboomba, akabalilo kaako ingangabwiite yila yaakubile, untumwa yula aali mwaabuke. Umweene aabagiile ukutaaga ilikumbulu nukubuuka ku kaaya ku baana bake. Umweene akafimbilisigwaga ukuboomba kangi mma, panongwa yakuti umweene aali mwaabuke akabalilo kaako i yubilii yaakubile. Ingangabwiite yila yikaapeele nakamo akoogo akasitakusisimikisya, panongwa yakuti iyeene yaapaga akoogo akasisimikisigwe. Kangi unnyaambala yula aabagiile ukulambalika paasi ikyoombo kyaake, ukubuka ku kaaya mwaabuke ukufuma ku butumwa.

⁸⁸ Ulubunju ulu, ili Baangeli lyaayobile, “Kangi linga ingangabwiite yikupa akoogo akasitakusisimikisigwa, ywani isakumanya ikyakuboomba?” Linga i Bāngéli lilumbilile ukuti Yeso Kristi asyuukile ukufuma ku bafwe, Umwene yo yuyo mmayolo, umwisyugu, na bwilanabwila, kangi ingangabwiite isi uswe tukupilika sikukuba imwiisyugu sikuti, “Amasiku ga fiika gakindile, kukaya ni kindi kimo ukuya bo bubumbulusyo Bwamwakyala,” ywaani isakumanyaga muumo babagiile ukwitendekesya beene?

⁸⁹ Iki uswe tukufumbwa umwiisyugu kyo batumigwa abapakigwa ukufuma kwa Kyaala! “Umwene asyusigwe ku bafwe! Umwene yo yuyo mmayolo, umwisyugu, na bwilanabwila!” Iyo yo Ndumi ya lisiku ili.

⁹⁰ O, apa syālipo indumi nyiingi ingulumba, lōli Paasa akupilile isyeene syoosa! Indumi ingulumba; Paasa aali fyoosa fya ikyeene! Akabalilo kaako abafwe...batēdekiigwe ubwitēdekesye bwa ndugu gwabumalikisyo...Uswe twāli nu bubine bubumbulusigwe mu Lwītikāno Ulukulu. Uswe twāli ni fika fikubōmbigwa mu Lwītikāno Ulukulu. Syālīko imboniboni mu Lwītikāno Ulukulu. Lōli u nnyāmbala aligwesa ābūkīle kulakula ku lipūmba, ikuswīga ukuti linga umwēne isakusyūkāmo kangi. Lōli u lubunju lwa Paasa, akabalilo kaako abafuundigwa aba balyāmbilīle i Ndumi inglulumba iyi umūndu aligwesa ābagīle ukwambililīla, ngimba abēne bālyambilīle fiki? “Būka, kababūle abafūndigwa Bāngu, Une nsyūkīle ukufuma ku bafwe!” Ubufwe buponjoligwe!

⁹¹ Akālipo siku nayumo pa kīsu, nayumo unsololi, nayumo unnyaambala unkulumba, nayumo umūndu unkemesigwa

ābagilēmo siku ukupōnjola... Abēne bābagīle ukupōnjola ububīne nu Mbepo gwa Kyāla. Abēne bābagīle ukupōnjola akabalilo, nu Mbepo gwa Kyāla, nukukētēla ngānila ifindu ifi fīsaga. Abēne bābagīle ukupōnjola ikyo. Lōlo nasiku ālīmo unnyāmbāla apakīgwe nu bupakīgwe bo ulu ukufuma kwa Kyāla, uyu ābagīle ukuyoba ubuyobelo bo ubu, “Une mbagīle ukulāmbalika u būmi Bwāngu, Une nisakubupīmbāga ugwēne kāngi. Lepulania umbili ugu, Une nisakugusyūsyāga ugwēne pīsiku lya butatu.” Akālīmo siku unnyāmbāla ābagīle ukutēndēka ubuyobelo bo lula. Kāngi ikyēne kyēmbēlāga mu ndumbula syābo, kali iki kyāyaga kyabwanaloli pamo mma.

⁹² Lōli pa lubunju lwa Paasa, abēne balinkuya ni Ndumi, “Būka umwe nkīsu kyōsa, kalūmbilile i Nongwainunu ku kipeligwe kilikyōsa. Une nsyusīgwe ukufuma ku bafwe. Keta, une nguyaga nanumwe bwila, pope nakubumalikisyo bwa kisu. Uyu ikwitika kāngi ikosigwa isakupokigwaga, umwene uyu atikwitika isakugunigwaga. Kāngi ifimanyilo ifi fisakukongaga abene aba bikwitika: Mu Ngamu Yangu abene bisakusosyaga imisetano; abene bisakuyobaga mu ndimi imbya; linga abene bikupimba imiyoka pamo ukunwa ifindu ifyakugoga, ikyene kitisa kubafulasyaga abene mma; linga abene bikubika amaboko gabo pa babine, abene bisakubumbulukaga.” *Indumi ya Paasa*, iyēne yo yimo mwa ndumi isyapwamwanya fiyo isi siliko. Ubufwe bwapōnjilígwe!

⁹³ Uswe tukwīnogona isya mponjoli. Napoleon, pa bukusi bwa malongo matatu na fitatu, āponjwīle ikīsu. Umwēne āponjwīle ikīsu, umwēne ākomīle ikikolo kilikyōsa iki kyābagīle ukukomigwa. Kāngi umwēne āli nsulumenie fiyo panongwa yakuti akālīko nayumo uyungi ugwakulwa, umwēne alinkwitugasya pāsi nukukūta. Akālīko nayumo uyungu ukulwāna, lōli umwēne ākinile indagilo sya lukino kusita kuya pakati. Amalongo ga maelifu ga balogwe gākōngāga ababwīte bāke, umwēne ābūkile ni ndusu kāngi ni lūbo. Pa bukusi bwa malongo matatu-na fitatu, umwene aaponjwile ikisu. Lōli umwēne akabalilo kāmo ali ntuli gwa benga-bwalwa, kāngi umwēne āfwile kinwelwa kubumalikisyo, panongwa yakuti umwēne ākināga indagilo sya lukino kisita kuya pakati. Umwēne ālibwībwe i ndumu. Umwēne āpōnjwīle, lōli umwēne ālibwībwe i ndumi. Umwēne ābūkile, lōli umwēne ālibwībwe iki umwēne ābukilaga.

⁹⁴ Bo undumiana unnini uyu ābopaga mbupope, bo ikipanga kikubopa umwīsyūgu, bo ba bāndu aba bikubopa, bo kikīsu kikubopa! Mbuponelo bwītu bukaya mipufililo gya atomiki mma, mbuponelo bwītu yo Yeso Kristi nu busyūke Bwāke.

⁹⁵ Napoleon ālibwībwe ikindu ikinywāmu. Ngimba fiki fyābonike ku mwēne? Umwēne alinkufwa mponjolígwe kubumalikisyo, u kinwelwa. Nongwa ya fiki? Umwēne akākinile ulukino kanunu, palema nalinga umwēne āponjwīle ikīsu,

ukuboneka na māsō. Umwēne ātendekīsye ababwīte. Umwēne āli yo gwabwīte gwāmahala, umwēne ālyēgīle ikikolo kyōsa nukubōmba ifīndu fyōsa (ifi umwēne) ifi unnyāmbāla nayuma ābagīle ukubōmbāmo siku, pamo ābombilēmo siku naloli, bo umwēne, lōli umwēne ālibwībwe iki indumi yanalololi yāli. Umwēne ākyēgīle ikyēne, kangī alinkukaba amaka gabwīte, lōli umwēne ālibwībwe a maka ga Ntwa.

⁹⁶ A maka ga Ntwa go lubatamīsyō lwītu. Uswe tukaya na maka agāngi kāngi mma. Ubopenelo nabumo ubungi une ndinabo, nabumo! Kyāla ayēge ni kisa! Ega ubūmi bwāngu, lōli ndingisa kwībwamo siku kūko a maka gāngu gikufumila. Agēne gikufumila kwa Ntwa! Une ndikulōnda ifīndu ifinunu ifya nkīsu. Une ngulōnda Yeso, une ngulonda ubusyūke Bwāke bukupyā mbūmi bwāngu.

⁹⁷ Mūmo kila kyāli kikīndāne ukufuma kwa Yeso Kristi pa malongo-matatu-na-fitatu! Pa bukusi bwa malongo-matatu-na-fitatu, Yeso ākabīle kilikyosa; Umwēne āpelīle i kīsu. Kangī Umwene aali nkīsu, kangī ikīsu kilinkusita ukummanya Umwene umma. Umwēne akalītēndikēmo Mwēne ukuya mfumuke mma. Umwēne akābungeniēmo siku unyāmbala gwa bwīte. Umwēne akapangeniēmo siku ikipānga kilikyōsa. Umwēne akātēndikēmo siku ingamu ingulumba kwa yu Mwēne. Umwēne akālisilēmo siku panja nukwītūfyā kulikōsa kwa ma digrii ga kumanyīsyō, na fyosa bo ifyo, nasiku āli nukuyobigwāmo kwa Umwēne ukubūkāmo ku sukulu yilīyōsa ya bufundakyāla. Lōli Umwēne āli na Kyāla. Umwēne āli na Kyāla. Kangī pa bukusi bwa malongo-matatu-na-fitatu, Umwēne āponjwīle u mōhēsi aligwesa uyu āsōsisye untu gwāke panja pa gahena. Umwēne āponjwīle ububīne. Umwēne āponjwīle inyīho. Umwēne āponjwīle imsyētano. Umwēne āponjwīle ubufwe. Kangī akabalilo kāko Umwēne āfwīle pa kipīngika, Umwēne āsulukīle ku mibwīna imisitapāsi nukupōnjōla u gahena.

⁹⁸ Kangī pa lubunju lwa Paasa Umwēne āponjwīle ilipūmba. Nongwa ya fiki? Umwēne ākinīle indagilo sya lukino nubutalusi, ukubōpa ni Ndumi. Umwene aali, Umwene ābukile! “Bukaga.” Kyāla alintumile Umwēne, kangī Umwene ali ni Ndumi ukubābūla abēne. Kangī ni Ndumi iyi Kyāla ālimpēle Umwene, Umwene aaponjwīle amaka ga Sētāno. Umwene aaponjwīle ububīne. Umwene aaponjwīle ubufwe. Umwene aaponjwīle gehena. Umwene aaponjwīle ilipūmba. Fiki? Umwene abukile! “Būkāga, kababūle!” “Une akabalilo kosa ngubomba kila ikyo Tata Gwangu ikunāngīsyā Une ukubomba. Une ndikubōmba nakimo loli iki Umwene ikumbula Une ukubomba.”

⁹⁹ Polelo bo Umwēne akāli ukufwa, Umwēne āyobīle iki, “Na mūmo u Tāta āndumīle Une, mōmumo Une ngubatuma umwe.” Komma ukuyēnga abanyāmbāla ukwisila mmaka ga babwīte; komma ukubīka akabalilo kāko kōsa mwa ywāni

ikuyaga Pulezidenti. Ikyo kibagile ukuya kyakulondigwa, loli icyene kikaya kyakulondigwa mu *Iki*. Ikisu kikindle. Uswe tuli ni Ndumi yimoyene, iyi yo, Yeso Kristi asyusisye ku bafwe, kangi Umwene yo yuyo mmayolo, umwisyugu, na bwilanabwila.

¹⁰⁰ Mmayolo, nkyumba akanini akakulongela inongwa, abene bagelaga ukumbela une njobe ikindukimo iki kikali kitalusye. Une ndinkuti, “Une ngaya nniongafu mma.” Une ndinkuti, “Une ne—une ne—une ne gwabwanalolindumbula. Kangi ugwe ukabagila ukuyobapo akangi umma loli ako ko bwanaloli.”

¹⁰¹ Kangi unnyambala yumo ali na une, alinkuti, “Linga unnyambala abagile ukuyoba kwa une bo ulo, une ngulondaga ukusopa i buku kwa umwene.”

¹⁰² Une ndinkuti, “Umma, nkulumba. Umma, uko ko kukaya kotalusya. Iyo yikaya njila iyakwisilaga ku icyene. Kikaya kotalusye.”

¹⁰³ Umwene alinkuti, “Mulimosa, nongwa ya fiki ugwe utikumanya ifindu ifi fikubombigwa? Nongwa ya fiki ugwe ukuya panja pala ukubomba iki?”

Une ndinkuti, “Une ngutaga akabalilo kangu ukumbombela Yeso Kristi.”

¹⁰⁴ O Kyala, o, abandu bafwamaso kangu bakabagila ukukibona icyene! “Bo mumo Tata andumile Une,” u Tata alintumile Umwene, Umwene abukile. Umwene ali ni Ndumi ukubabula abandu. Kangi mu sala sya bufwe, Umwene aaponjwile ubufwe kangu Umwene aaponjwile gehena, kangu Umwene aaponjwile ilipumba. “Bo Tata alindumile Une ni Ndumi, Une ngubatuma umwe ni Ndumi; komma ukuyenga ifipanga, ifipanganio, loli buka umwe nkisu kyosa nukunangisya a Maka ga Mbepo Mwikemo. Ifika ifi fisakukongaga abene aba bikwitika; mu Ngamu Yangu abene bisakusatisyaga imisyetano, bisakuyobaga ni ndimi imbya, nukupimba imiyoka.” Kangi bo imibili gyitu gikubuka ku lipumba, bo mumo u Gwake gwabombile, Umwene aaponjwile fyosa ubufwe, u gehena, kangu ilipumba. Umwene yo Mponjoli gwamaka.

¹⁰⁵ Umwene ikututuma uswe ni Ndumi Yake. Unko uswe tubukege ni Ndumi, bukaga na kandu kamo akakubula. “Buka, kababule!” Komma ukubopa kangu polelo ukutoligwa ukuyoba, unko uswe icyakwanda tukabe Iyene mu ndumbula syitu twibene.

¹⁰⁶ Akabalilo ugwe kwiisa kuno ukwiiputiligwa, ulubunju ulu, komma ukwiisa munjila ya mulimosa mma. Isaga ni Ndumi mu ndumbula yako, “Une ne Umweene uyu aafwile, kangu ndimu kangu. Une ne Yone uyu aapeele i Ndumi iyi, Ifimanyilo ifi fisakukongaga abene aba bikwitika.” Linga Kyaala Mwenemaka aabagiile ukweega u—u mwanike unnini unsyumbutuka-fisige nukwandusya ukukeeta kwaake ukugomokela ku bununu; Kyaala aabagiile ukweega umwaana,

u mwaana undumiana apaapiigwe, akaaketileemo siku mbuumi bwaake, kang'i nkusi ifyiinja kalongo na fihano na kimo, ukupyaanikisya ukukeeta ukugomokela kwa umweene; Kyaala abagiile ukweega umpelakisa yumo umundu uyu alyeekiigwe na kansa. . .

¹⁰⁷ Kang'i panongwa yakuti i Ndumi ndalusye, panongwa yakuti Kyaala aatumiile i Ndumi, panongwa yakuti Kyaala aatumile u ntumigwa, kisita kwilamwa ukuti indusu yiliyoosa ya gehena yisakutusulilaga ku mweene. Uko ko kutalusya, umwēne isakwitabaniaga nu kugwa, kang'i ukusumuka mmwanya nu kuyugānia untu gwāke, nukukindilila. Uswe tuli ni Ndumi, nakimo kisakwimika Iyene! Haleluya! "Pamwanya pa lyālabwe ili Une nisakuyeenga I Kipanga Kyaangu, kang'i ifipata fya gahena fitisakuponjolaga Iyene mma." Abēne babagile ukuyoba iki abēne bikulōnda, ukubōmba iki abēne bikulōnda, u mōhēsi abagile ukubuna nukukoloma. Lōli Yeso āsyūkile ukufuma ku bafwe, Umwēne mūmi umwīsyūgu mwa uswe!

¹⁰⁸ Amasiku manini aga gakindilepo, nguyoba kwa unkulumba Dokotala Lamsa, uyu āsanwīsyē i Bāngēli ukufuma ku Aramaic, ukubūka ku Kingereza. Kang'i une nākabwēne akamanyilo akanini kala, akamanyilo ka Kyāla pa mwanya pala, nututononde tutatu mu lyēne. Une ndikuti, "Dokotala Lamsa, ngimba fyo fiki ikyo?"

Umwēne alinkuti, "Umwēne yo Kyāla, ni fyakumbagilila fitatu."

¹⁰⁹ Kang'i une ndikuti, "Ugwe kusanusya, Kyāla ikwitūgāsya mbubombela-mbombo mutatu, bo yu, Tāta, Mwanundumiana, na Mbepo Mwikemo?"

¹¹⁰ Umwēne alinkusumuka nukungēta une, amasosi gikusulula mfisige ifya kiYuda fila, umwēne alinkuti, "Ngimba ugwe kwitika ikyo, Nkundwe Branham?"

Une ndikuti, "Na fyōsa ifi fili mu ndumbula yangu."

¹¹¹ Umwēne alinkusopa ingōngi syāke ukusyungutila une, kang'i alinkuti, "Une nāswigaga akabalilo kāko une nafibwēne ifindu ifikulumba fikusōka panja, kang'i ifimanyilo ifi ugwe gwābōmbāga." Alinkuyoba ukuti, "Abēne bālimbulile ugwe gwāli nsololi. Une ngālitike ikyēne mma, mpaka lilino. Lilino une mmenye ugwe guli." Umwēne alinkuti, "Ikyo kyo kyēne! Iyo yo Ndumi. Ikyo kyo kindu iki kisakuyugānia i Kitangala kya Kyāla." Ena. Umwēne alinkuti, "Ilisiku limo ugwe kwisakufwa panongwa ya ikyēne, ndumiana." Alinkuti, "Ugwe kwisakufunga ubukēti bwāko ni kindu kila kilakila."

¹¹² Yumo mwa banyāmbāla abakulumba aba uswe tuli nabo, akabalilo kāko Eisenhower na banyāmbāla abakulumba aba kīsu, Hollywood, uluko lōsa lwa ndondwa sya mafilimu na filifyōsa bikukōlela panongwa ya umwēne, lōli āsyēle palapala pala ndukomano. Umwēne alinkuti, "Une negile ifyinja

malongo matatu na fyākongelapo, ukutëndéka ubusanusi ubu, komma ukufuma ku Vatican Greek, lōli ukufuma ku Aramaic; kulakula ukutalula ukufuma kula, ukufuma ku Aramaic, ukwisa nKingereza.” Kangi umwēne alinkuti, “Une ndāgile akabalilo kōsa kala,” umwēne alinkuti, “Une nīngile itolo mbuyo kūko une ngukēta u Kyāla gwa i Bāngéli ikwēnda.” Umwēne alinkuti, “Ugwe umenye, Nkundwe Branham, uswe tubagile ukukēta ifimanyilo ni fiswīgo, lōli uswe tukukētésya iki i Lisyu ili ikimanyilo lili nakyo. Uswe twe baYuda, uswe tukukēta ikimanyilo, lōli uswe tukukētésya i Lisyu lya kimanyilo.”

113 O, haleluya! I Lisyu lya kimanyilo! Kyāla ālimbūlile Mōse, “Linga abēne batisakupilika i Lisyu, i Lisyu lya kimanyilo ikyākwānda, polelo abēne bisakupilika i Lisyu lya kimanyilo kyākibili.” Komma fiyofiyo ikimanyilo, lōli i Lisyu lyābūkile ni kyēne.

114 Muketile, uNjuda yula, umwēne āmenye iki umwēne ayobelaga ngapo. Umwe alinkuti, “Une ngetile isya kumanyila ngāni, une mfiwbēne ifimanyilo, ni fiswīgo, abafwamaso bikutēdekigwa ukuya kanunu, kangi uluko lōsa lwa fimanyilo ifikīndane, lōli une naswīgāga, lōli lilino une ngukēta i Lisyu kunyuma ku kyēne litisa kutumulania Kyāla mfiyabo fitatu, nukuyoba, ‘Umwēne yo Kyāla yumoywēne, u Tāta, kangi unkwōnge, u Mwanundumiana, . . .’ Umwēne ikuti, ‘Kyāla yo Kyāla: ifyakubagilila fitatu ifya Kyāla; ifyakubombelamo fitatu ifya Kyāla.’” Alinkuti, “Ikya kikulisimikisya ikyēne.”

115 O, nkundwe, uswe tuli ni Ndumi! “Būka, kababūle abafundigwa Bāngu! Une ngāli *yula* uyu āfwīle, kangi *uyungi* yula uyu ali kifuki ukufwa, kangi *uyungi* yula uyu yo mūmi. Une ne Umwēne uyu Āli, uyu Aliko, kangi Uyu Ikwisaga; u Nsisi nu Luyungu lwa Davidi; u Lutondwa Ulumulike kangi Lwakulubunju.” Ena!

116 Kyo kinunu nki ikyēne kikubōmba ukubūka, kikubōmba ukubūka, linga ugwe ukuya nakyo ikindikimo ikyakuyoba? Ulinakyo ikindikimo ikyakubūla, uko ko kotalusya: “Yeso Kristi, u Mwanundumiana gwa Kyala, ikubagana umwe mwesa. Umwene aafwile panongwa ya umwe mwēsa. Ngana Yeso Kristi u Mwanundumiana gwa Kyala.”

117 Balinga aba baalimo siku mu ngomano, nukukeeta ifimanyilo ni fiswiigo ifikulumba ifya Bwaake—ifya Bwaake ububonekelo, ifya muumo umweene ikumanyila ngaanila nukunaangisya, ni findu? Uyo yo Kyaala gwa ku Mwanya, Uyu aasyuukile ukufuma ku bafwe.

118 Umwe mukufiimbilisigwa ukukeeta ikimanyilo kya kiHiburi kya Ikyene. Ikyeene kyo Bweelu, bo i Mbaanda ya Moto, kangi nkati mula tulimo utung’wale tutatu, Taata, Mwanundumiana, na Mbepo Mwikemo, iki kikaali baandu batatu. Ikyeene kyaali Kyaala ikwitugasya mbubombela-mbombo mutatu. U Kyaala

yulayula! Haleluya! Kyaala pamwanya pa ugwe, Kyaala na ugwe, Kyaala mwa ugwe. Yu Yulayula ukwiyuufya Mweene, ikupyaagila i Kipanga Kyaake, ukuti Umweene abagiile ukwitugasya. Akabalilo kaako ugwe kuntumulania Umweene ntuyabo tutatu, nukubiika kamo panja *apa*, nakaangi ukukilania *apa*, kamo *pala*, ikyeene bwiputa-fifwaani bo muumo ikyeene kibagiile ukuya.

¹¹⁹ Une ngwitika ubusyūke bwa Yeso Kristi, asyusigwe ku bafwe. Kangi Umwēne āli yo Nnyāmbála mwēne uyu ābagile ukuyoba kila, “Amaka gōsa ku Mwānya na pa kīsu gapegigwe nkiboko Kyāngu. Gosa amaka ga ku Mwanya na pa kīsu gapēgigwe nkiboko Kyāngu. Bukaga umwe nkisu kyosa, nukufumuya i Nongwainunu ku kipeligwa kilikyosa.” I Nongwainunu yikālisile mu lisyu lyēne mma, lōli ukwisila mu maka nu kubonekesya kwa Mbepo Mwikemo. Kyāla akutūle ugwe ukwitika ikyo, Kyāla āndule une ukwitika ikyo, kangi uswe twisakumbona Yeso ilisiku limo.

Akabalilo kāko insukuliko sya būmi simalike,
uswe twisakumbona Yeso ku bumalikisyo;
Pa Kikokta Kyāke ikimogi Umwēne
isakunyambililaga une ku Kāya,
Ukufuma pāpo ilisiku likīndīle. (Isyo
kotalusya.)

Imisānga gyōgile na misi mmakato ga njayo
Isya Nhesya ukufuma kukiloboko kya Galilai.

¹²⁰ Abene baalingogile Umwene panongwa yakuti Umwene itendekaga Mwene ukuya Kyala, kangi Umwene āli Kyala. Abēne balinkunkomelela Umwēne, panongwa, Umwēne āfwile pāsi pa lufūndo ulukulumba. Iyo yo nongwa une ndikwitika mu lufundo ulukulumba. Yeso āfwile pāsi pa—pa lufūndo lwa lufūndo lwakubukulumba ukufuma ku sikali ya bulagili bwa Roma. Ulufūndo lwa kubukulumba, āli, utulikigwe pa kipīngika. Umwēne āfwile pāsi pa lufūndo lwakubukumba, ukufūligwa imyēnda Gyāke gyōsa ukufuma pa Mwēne, nukutulikigwa pala, ukunjwēlūla Umwēne, kangi Umwēne āfwile nkaŷilo kala. Lōli Kyāla alinkunsyūsyā Umwēne pisiku lyabutatu!

¹²¹ Kangi uswe tuli bakēti Bāke. Kangi linga uswe tutikummwimila Umwēne, ngimba ywāni isakummwimila Umwēne?

¹²² U nnyāmbála alyāgéne na une ilisiku limo, alinkuti, “O, Nkundwe Branham, komma ukumbula une. Ugwe leka ukubula. Ugwe—ugwe kufulasya ubwipilike bwa bakīkulu, isya bēne ukuya ni nywīli indumule, kangi ukufwana na bene ikubomba *iki* nukubōmba *kila*, na fyōsa bo ifyo.”

¹²³ Une ndinkuti, “Linga une ndikubabūla abēne, ngimba ywāni isakubabūlāga abēne? Ngimba ywāni isakubūlāga ikyēne?”

Ikuyoba, “Mulimosa, ugwe kubatëndéka bala abalumbilili ukukalala.”

¹²⁴ Une kinunupo ukuya na bēne bakalale kwa une, ukukinda na Umwene. Ikyene kyo Bwanaloli. Isyo kutalusya! [Ubuyo busitakandu pa tepi—Nsimbi] Kutalusya. Ngimba ywani ikubūlāga ikyene? Umunduyumo ikufimbilisigwa ukubula ikyene.

¹²⁵ Yeso alinkuti, “Būka, kababūle. Būka kangi kababūle, kababūle abafūndigwa Bāngu ukuti Une nsyūkilē ukufuma ku bafwe. [Ubuyo ubusitakandu pa tepi—Nsimbi] Keta, Une ndi nanumwe bwila, pope nakubumalikisyo bwa kisu.”

¹²⁶ Ngimba umwe mukwitika ikyo, binangu?

Unko uswe twipute, akabalilo kako uswe twikwīnamisya imitu gyitu ku lwīpūto.

¹²⁷ O Tāta Kyāla! Nalololili, “Būka, kababūle. Būka, kababūle abafūndigwa Bāngu ukuti Une nsyūkilē ku bafwe.” Kangi Tāta Kyāla, ukababūle itolo Ugwe abafūndigwa Bāko, lōli Ugwe gwāsīmikisye ku bēne Ugwe gwāsyūsīgwe ku bafwe. Ugwe gwālīnāngīsye Gwimwēne na bēne, nukubōmba itolo katikati mūmo Ugwe gwābōmbīle bo ukālī Ugwe ukufwa. Ifyinja bamia kalongo na lwele na kimokyene fisile nukubūka, Ntwa, i Ndumi yikālī yikwāka. Iyēne yo itolo mmulike kangi mbyāno mu ndumbula syītu umwīsyūgu mūmo ukwēne kwāyīlīle abafūndīgwa bala, kabuno uswe tukuketa u Ntwa unsyuke papapa pakati pa uswe, ikubōmba ifindu filafila ifi Umwene ābombīle. Uswe tumenye ukuti Umwene afyusisye ukufuma ku bafwe.

¹²⁸ Pāsa ikusanusya fīngi kwa uswe, panongwa yakuti uswe twīlūngīsye mula kangi tukwīkyēla ubulilanisi bwa busyūke Bwāke. Kabuno uswe twālī akabalilo kamo bafwe ku butulwanongwa ni ngilanio, bo yu mwānundumiana unsobi, lōli lilino uswe tulyāgīle ilipyana, kangi Kyāla atuswīle uswe isya mbībi syītu. Umwēne atupele uswe i Fungilo, bo mūno Umwēne ābōmbīle kwa Tāta Abraham, ukusīmikisya ukuti Umwēne atwitikisye uswe. Tata Abraham āyobīle umwene ālitīke Kyala, lōli Umwēne alinkumpa umwēne ikifungilo kya bubūtīgwe ukuya kisisīmikisyo ukuti umwēne alimmwetike Umwēne. Kangi, lilino, Tāta, umwīsyūgu uswe tubūtīgwe na Mbepo Mwikemo, fyōsa ifindu fya nkīsu fikīndīle. Uswe tuli nu kifumbililwe kimokyēne: ukukubōmbēla Ugwe. Uswe tuli ni kinyonywo kimokyēne: ukukugana Ugwe, ukuya mfundigwa Gwāko.

¹²⁹ Kangi lilino, Ntwa, une ngusuma ukuti Ugwe kwisakusīmikisya aka ndumi akonyokekonyoke aka ku ndumbula yiliyoosa. Unko abeene balingapondwaga iyeene. Unko abeene baketege ukuti Ugwe gwe yuuyo mmayolo, umwiisyugu, na bwilanabwila, ukuti Ugwe guli

apa, usyuusiigwe ku bafwe, kangu kwisakuyaga mpaka u—
u Mbepo nu mbili fikubuungana palikimo kangu ku Bwise
Bwakibili.

¹³⁰ Une ngwiputa kuli ababine apa, Tata, ulubunju ulu. Une
lilino, pa lubunju lwa Paasa ulu, filambalikigwe palubafu (pamo,
komma ukulambalikigwa kulubafu, looli itolo ukulambalikigwa
taasi pa kabalilo ka kabalilo) ifyaabupe ifi Ugwe umbeele
une, bo kukumanyila-ngaana. I kiisu, une nje nkuya nkusoka
nukugomokela ukukilania ifiisu, Ntwa, abeene boosa bamenye
ikyeene. Lilino une ngusuma, ukuti, i Ndumi iyi Ugwe
gwaalimbele une apa mmatengele, ukuti, amasiku manandi aga
gakindile, iyi, pa maka gabupeli gala aga giitugesye nkupanga
iki ulubunju ulu, ba baandu balabala aba ageene gapeleliigwe
pa beene, une ngusuma, Kyaala bo une ngwisa ku kwala
amaboko gaangu pa babine ulubunju ulu, na bakundwe bangu
apa, ukuti Ugwe kugwilaga pa kipanga iki ulubunjulu ulu,
ni kisa, kangu ukuti Ugwe kwisakubumbulusyaga abaandu,
ukuti patisakuyaangapo na yumo umundu umonywa pakati piitu
akabalilo kaako ulukomano lumalike. Bosa ba abeene baliyaga
basayigwa kangu ukubumbulusigwa.

¹³¹ Uswe tukusyaagania, Ntwa, ikyeene kikaya nakimo uswe
twaabagiile ukuboomba twiibeene ukufikapo. Ikyeene kyo
kipepe lwiitiko ulufwane-lwa-mwana, ukwitika. Uswe tubagiile
ukukeeta abafundigwa ukufuma paapo abeene baapeegigwe
amaka ukubumbulusya ababine, abeene basookile panja kangu
balinkuponjoligwa pa mbine gwa fisilisi; ukuyweega nukukuuta,
yula, kangu nukunyelayela, nukugela ukumpela u moohesi
luma ukusooka. Loli akabalilo kako umwene aalyagene na
Yeso, o, mumo kwaayiilile ukukindana! Umwene aayobile,
“Ugwe mbepo mbibi, sookaga ukufuma ku mwene.” Ko
kundana kuki! O, umweene aamenye ukuti Yula akaali
ntumigwa mma. Yula aali yo Ntwa Mweene. Kangu i mbepo
yilinkuswanulania undumiana nukunsopela umweene pa mfu.
Looli Yeso alinkuti, “Umwene akaya mfwano mma. Mpimba
itolu umweene nukumpa umweene kamo akaakulya.” Imbepo
inyaali yaasookile.

¹³² O, Yeso, Ugwe Mwanundumiana gwa Kyala, isaga kangu,
pakaga i Kipanga Kyaako kisitakuhoomba, nubwisusye,
namaka. U Mbepo gwa gwabuumi unyusigwe Yeso alisyusyaga
akapanga akanini aka ulubunju ulu ukubuka ndwiitiko
ulupya, maka, maka gwa lwiitiko, ukuti uswe tubagiile
ukubiika umoobeli aligwesa ku soni. Tupaga ikyeene, Ntwa.
Ukubiika boosa abaandu aba kwa Ugwe, ukusuuma ukuti
Ugwe kubasayaga abeene nukubapa abeene ubupoki ku myoyo
gyaabo, ulubumbulusyo ku mibili gyabo, ukwisila mwa Yeso
Kristi Ntwa gwiitu.

¹³³ Kangu ni mitu gyiitu ginamisigwe, une ngulaalusyaga
ililaalusyo. Ngimba alipo yumo apa uyu akaya Nkristi,

ikuloonda ukukumbukiligwa lilino, nukuyoba, “Nyipuutila une, Nkundwe Branham”? Kyala akusaye ugwe apo. Yumo uyungi, “Une ngaya Nkristi mma. Une mbiliike inongwa ukuti Yeso aasyuukile ku bafwe, looli naloliloli une ngamanya ikyeene. Umweene akasyuukilemo siku mu ndumbula yaangu. Une ngaya nu bwikutisigwe nabumo. Une ndi mbine, kangi. Une ngubuukaga ukwendela ulukiindi lwa lwiiputo, ukugomokela nukukindilila mu luungi ukugomokela nukubuuka ukukinda mu lumo ulungi. Une ngubuukaga ukufuma ku kipanga ukubuuka kukipanga, kangi kubuyo ukubuuka ku buyo.” Ikyo kikya ikyeene mma. Ikyeene kyo kwitika Umweene. Umweene aasyuukile ukufuma ku bafwe. Ikyo kyo kimasya ikyeene. Yumo uyungi abagiile ukufyusya ikiboko kyaako? Kuyoba. . . Kyala akusaye ugwe. Kyala akusaye ugwe. Umunduyumo uyungi, “Une ngulonda ukwitika. Une ngulonda ukwitika”?

¹³⁴ Ngimba balinga aba babine apa? Fyusya ikiboko kyako, yoba, “Une ngulonda ukwitika. Une ngulonda ukumanya i Ndumi ulubunju ulu.” Kyala akusaye ugwe. Ikyo kyo kinunu. Ena, Kyala akusaye ugwe, mwanangu ndumiana. Kanunu. Fyosa filikanunu.

¹³⁵ Lilino, Teddy, une ngulonda ugwe ukukuba, “*Ungānga Unkulumba*,” itolo iminiti, linga ugwe ubagiile, “lilino ali kifuki.” Kangi akabalilo kako ugwe kubomba ikyo. . .

¹³⁶ Ikyo kyo kikafu lululu lilino. Imboniboni sikwiguka moosa nkiyumba, muketile. Ena, une ngugela, une naagelaga ukubuleka ubu buyege busyuuke, bwapamwapo panini, pamwanyapo panini ukufuma pa—ukufuma pa kilundiko kya mfwāndilo iki une niikelepo. Une ngulonda ubusetuli ubwakongelelapo panini. Une mmenye ikindu kimokyēne: Akabalilo kōsa une ngumilisa ku butumigwe ubwākwanda bula, ubwakibili butisakwisa mma, ubwēne bukālīsile mma. Lilino akabalilo kosa aka une ngūmīlīsa ku bwakibili, ubwakitatu butisakwisa mma, muketile. Une ngufimbilisigwa ukusōkamo palapala panja, ukusōka panja nukwitika ikyēne, “Kyāla āyobīle lūlo!” Amasiku manandi aga gakindilepo. . .

¹³⁷ Lilino umwe ubagiile ukufyusya imitu gyīnu lilino linga umwe mukulōnda. Une ngāgīle amaboko gīnu; Kyāla agagile agēne.

¹³⁸ Une ngulonda ukukubula ugwe ikindukimo ikinini. Nkundwe Ed Daulton, une ngusubila umwēne isile itolo nkifigo, unnunu unkundwe gwa kiBaptisti, umwēne nu nkasi. Nkundwe Jeffries ali apa pabuyo bumo. Othel Jeffries. Kangi umwēne ali apa, une mmenye umwēne yo ali apa pabuyo bumo. Lōli, abakūndwe aba bālindēndekile ulukomano une ukubūkako, pāsi mu Kentucky. Bakundwe, bakundwe bapala, balugano ni mbalamanio syābo na bāndu bābo. Abēne bali na ma oditoriamu ni miyumba gya fyabwīte ni findu, itolo ku

lukomano lwa nkilo lumolwēne, abēne balyāsime ikyumba kya fyābwite. Unnini J. T. Hoover, kilikyosa iki ifyāke...L. G. Hoover ātēndike lumo pāsi mu Elizabethtown. Kangi Nkundwe Ed Daulton ukukilania kula ku Willow Shade pamo—pamo Somerset, Somerset. Kangi nkundwe, unkundwe uyungi āli pāsi ukusyungutila Glasgow, kūko une napāpiligwēko. Abāndu mula kūko une napāpiligwēko nukukusigwāko, kūko u Gwāndūmi gwa Ntwa abonekīle akākwānda kwa une.

¹³⁹ Kangi une nālonđaga ukugomokela. Lōli une ndinkwipilika ukusugusigwa kunini. Kangi une ndinkuti, “Mulimosa, panongwa ya bakūndwe, une ngubikāga ulukomano lula.” Nakalinga itolo une bo ngufika ndusūngo ulu, ummilo gwāngu gulinkwīgala mōsa kangi une ndinkusita kuyoba ku masiku lwēle na limo, mpaka ingomano sila silinkukīnda.

¹⁴⁰ Nkundwe Ruddell, umwēne abagīle ukuya apa ulubunju ulu, yōpe, yumo mwa bakundwe ukufuma nkipanga iki, umwēne na Junie Jackson na bala, une nābagīle ukuya nu lukomano kuli umwēne. Kangi nakalinga itolo, ummilo gulinkwīgala mōsa itolo. Kangi ikīndu kyākwanda umwe mumenye, une ndinkuya ni sekema iya kifuki mia yumo na mahano. Kangi une nābūkaga ku lukomano, ikyākwānda, kangī—kangī Dokotala Schoen alinkuyōba kwa une... Une ndinkuti, “Ummilo gwāngi gwālīle.”

¹⁴¹ Umwēne alinkuti, “Une ngukupaga ugwe ikindukimo ukwābula ikisokomilo fila, kangī ugwe kindililāga nukulūmbilīla.” Kangi une ndikunwa ikindukimo ikingi umwēne ālimbéle une, kangī, iki ikyēne kyāli, ikyēne kilinkukwābila amapungo ga sainasi pāsi nukugwala ikyēne. Polelo une ndinkulāmbalala nkitala ku masiku lwele na limo, itolo ni sekema imbyano.

¹⁴² Bingi ba bakundwe bāngu apa bālisīle kwa une, bingi abakundwe abafumuke bisile ukunyīputila une. Apa ikwīsa Nkundwe Graham Snelling, apa ikwīsa Nkundwe Ruddell, bōsa abakundwe aba apa, bōsa balinkwibūngania mula, bikwīpūta na kilikyōsa ikingi. Une ngwīpūta, ukugela akanunu kangu fiyo, ndinkutoligwa itolo nukuheha. Une ndinkuswīga, “Ngimba ikyēne kyo kyosa kyofiki?” Unkasi gwāngu unnini itugesye pala, umwēne na bēne bikunyīpūtila une, itolo kilinkumilīsyā ukuya mulamula. Abēne balinkusita kupilikīsyā.

¹⁴³ Lilino, umwēne alinkumba une unkota gumo ukunwa, lōli ngānwīle ugwēne mma, panongwa yakuti ugwēne gwālī gwakugālīsyā. Kangi polelo une ndikuguleka itolo ugwēne. Kangi une ndinkūmilīsyā ukwinogona, “Ntwa, naloliloli!”

¹⁴⁴ Kangi polelo, ukufuma pāpo ngomano ingomano syāmalike, pa Kilēmbélo (lula lwālī, u lukomano lwabumalikīsyō, lwābagīle ukuya pa Mpyāgīlo), kangī polelo (une ngwitika), kangī polelo, pa Kilēmbélo une nāgelīle ukusumukīla mmwanya. Une nālī

mōnywa fiyo, une ndinkutoligwa ukubūka ukukīnda ikyūmba. Une ndinkwitugasya pāsi.

¹⁴⁵ Umwe mumenye, une ndi gwakupalisya panongwa ya nkasi umpēgwa-na-Kyāla. Bule umwe, bakundwe? Unkasi ugwanaloliloli, umwinako ugwanaloliloli!

¹⁴⁶ Une ndikwītūgāsya pāsi. Une ndinkuyugānia ikiboko ku mwēne, kangi ndikuntwala umwēne kubwa kuno kifuki kwa une. Kangi une ndinkuti, “Meda, utubalilo tumo une nguswiga,” Une ndinkuti, “Une nguswiga, iki kitamīsyē kyo fiki.” Une ndinkuti, “Nongwa yafiki ingomano sila siliko kula, kangi Kyāla andekile une ngulāmbalala bo ulu?” Une ndinkuti, “Nongwa ya fiki kyāli ikyēne?” Kangi une ndinkuti, “Utubalilo tumo, une nguswiga linga Umwene angōlile nukungōlēla une.”

¹⁴⁷ Umwene alinkuti, “Ngimba utikuya gwasoni gwīmwenē?” Muketile? Kangi umwene aalimbulile une, alinkuti, “Bill, nsimenye ukuti Kyāla amenye isi Umwene ikubombaga na ugwe? Itolo, itolo yaga kimyemye.”

¹⁴⁸ Kangi polelo une naabukile nkati. Ikyo kyāli mu luko lumo kyālingēmīle une, ugwe umenye. Kangi popāpo une ndinkwīngila nkati nukulāmbalala pāsi pa kitala. Umwēne alinkwisa nkati ukusanusya ifyakwīkinga. Kangi umwēne āli nafyo i—i findu pa lukongi lwāke, kangi bo umwēne ikwānda ukubuka, une ndinkukēta, kangi pala ālipo u . . .

¹⁴⁹ Une ndinkuyibona i . . . iliyumba lyababwīte ilikulumba ilinywāmu, ili ilisuba lyabalile pāsi kangi lyabongotolīle mōsa pa mfu, ukupufula ilyēne ku tuyabo, ilisuba likimulika ukufuma ku Mwānya. Kangi pala palinkwisa abakīkūlu batatu nu nnyāmbāla, ikwisa pala. Kangi abēne bāli nato panja bo utunini panini, bo utunini . . . uluko lumo lwa tutundusu utunini utwakutusulila, ngati. Kangi umwene aatile, “Ikyo kikuguta imisumali.” Kangi alinkuti, “Uswe twisa . . . Ugwe kolelela utuyabo utu mmwanya, Nkundwe Branham, kangi uswe twisakuyēngaga iliyumba lyababwīte ili kangi kuli ugwe.”

Kangi une ndinkuti, “Umma ndaga, une ngubombaga ikyo.”

¹⁵⁰ Lōli i Kindukimo kilinkuti, “Komma ukubōmba ikyēne.” Ena, une ndinkufikila pāsi ukwēga akayabo, bo ulu, ukuyēnga ilyēne bo ulu. Kangi itolo polelo i Lisyu lilinkuyoba kwa une, kangi lilinkuyoba, “Lilino abēne bali pa nsebwe ukukwēga ugwe ukugomokela. Komma ugwe ukwitika ikyēne.” Alinkuti, “Abēne bāli akabalilo kōsa babwanaloli-ndumbula fiyo, kangi abēne bikwisa kwa ugwe na ISI SYO IKUTI U NTWA, lōli abēne basobi.” Muketile?

¹⁵¹ Fred Sothmann, bingi ba umwe apa, mwāli palapala pala akabalilo kāko une nababūlīle abēne isya ikyēne. Mbuninipo ukukinda isala yimo, abāndu bala balinkwendesya palapala mpaka pa kifigo kyāngu. Une ndinkuti, “Pala pali abakīkūlu batatu nu nnyāmbala yumoywēne.”

“Ikyyo kyo katikati kotalusya.”

“Abene bikwisaga na ISI SYO IKUTI UNTWA?”

“Ena, nkulumba, abene. . .”

¹⁵² Une ndinkuti, “Mulimōsa, ugwe umenye ikyakubabūla abēne.” Banaloli-ndumbula basobi, muketile. Abāndu banunu, lōli banaloli-ndumbula basobi. Muketile?

¹⁵³ Polelo une ndinkwinogona, “Ena, kyo kiliku iki une mbagile ukubomba? Ngimba une mbombe kiliku?” Kangi polelo Meda ikwisa nkati, kangi umwēne ābūkīle ukugomokela. Kangi Nkundwe Freddie ābūkīle nukubabūla abāndu bala. Kangi polelo bo akabalilo kako, une naali nkati mula pa—pa kitala, kangi une ninogonaga, “Ngimba nongwa ya fiki ikyene kikuboneka injila iyo? Nongwa ya fiki une ngutoligwa ukuyoba? Fiki une ngabagila ukuyoba kwa mundu yumo, pamo ikindukimo?” Kangi une nālambalēle nkati mula. Kangi Meda ikwisa nkati, kangi āgomokelaga ukusōka ukufuma ku kyūmba.

¹⁵⁴ Kangi une ndinkukēta, kangi ndinkukibona ikindukimo kikupela ukumulika ukukilania ku lubafu lumo. Kangi une ndinkukēta, kangi pala kyālipo iki. . . ikibūmba kyāngu kilinkwīgūka, kangi une ndinkumbona Yeso. Balinga ba umwe mupilikemo siku une nguyoba ukuti une numbwene Yeso kabili mbumi bwāngu, mu mboniboni? Kangi une ngwitika une mbagiile ukumbona Umwēne kangi bo kakāli akabalilo ka bumalikisyo, muketile, ukumbona Umwēne kangi. Lilino, une ndinkukēta, kangi imyanya gyāli itolo panja pala, gyabonekaga itolo ngati une ngukēta ukukinda ikibūmba. Kangi pala lyālipo i Bāngēli limile palapala bo *ulu*, i Bāngēli ilinywāmu ilikulumba limile mmyanya. Mulimosa, kyālipo pala ikindukimo kyāli nu bwēlu ukusyungutila i Bāngēli, kangi ukufuma mu i Bāngēli mulinkwīsa ikipīngika kya golidi ikimogi naloliloli. Kangi ikyēne kilinkwīma panja bo *ulu*, kangi imuli sikwisa ukufuma mōsa ukusyungutila ikyēne, kangi ukufuma ku kipingika kila Umwēne alinkwēnda. Ili Bāngēli lilinkumulika ikipingika, ikipingika kilinkumulika Umwēne. Kangi Umwēne ikwisa ikwēnda panja, kangi alinkwēnda palapala ukusuluka kūko une nāliko. Une mbagiile ukukibona ikyēne itolo nubwapawēlu itolo, une mbagile ukukibona ikipingika kila kikumulika inywīli Syāke simile pala, sikulēmbēla pāsi pamwanya pa kisyo Kyāke.

¹⁵⁵ Umwene alinkungetesya pasi kwa une bo *ulo*, kangi Umwene alinkuyoba kwa une, “Ugwe kugūlila ubutumigwe bwāko ubupya ukusisimikisigwa kwa ugwe.” Umwēne alinkuti, “Une ndalile nsisimikisye kwa ugwe. Ubwēne butalile busisimikisigwe. Ugwe kufimbilisigwa ukubwitikisya ubwēne.” Muketile? Kangi une ndinkwīma kangi ndinkumpilikisya Umwēne itolo mu miniti. Kangi ikyēne kilinkwīsa mu linogonelo lyāngu. Une ngāpilike ikyyo, ikyēne kyālīsīle itolo ku linogonelo lyāngu.

156 Ngati u nnyāmbála uyu āli yo ntulwanongwa ubūmi bwāke bōsa, kangi umwēne amēnye liliko i Bāngéli, amēnye aliko Kyāla, lōli mōsa nkabalilo kamokene umwēne ikupilika ubulūmbilili, polelo i Kindukimo kikumbula umwēne, “Ikyēne yo ugwe.” Polelo, i Lisyu lilalila lila lyāliko pala akabalilo kōsa, lōli Ilyēne lisisimikisigwe ku mwēne, polelo umwēne ikuyoba, “Ntwa, nswaga une.” Lōli ikyēne kitisakubōmba na kanunu na kalikōsa mpaka umwēne ikwitikisya ubupoki bwāke, polelo umwēne ikubūka panja kangi ikuya Nkristi. Kali ikukūta kingi kaki umwēne, ko kingi kaki umwēne ikupepeka, umwēne ikufimbilisigwa ukwitikisya Ilyēne.

157 Kangi Umwene alinkuyoba kwa une polelo, “Ugwe kufimbilisigwa ukwitikisya ikyene mu njila yilayila. Ugwe kufimbilisigwa ukwitika ikyene.”

158 Une ngutīla ukuponjoliḡwa. Kalikosa, une ngutīla une ngutwālāga ubuywelulo. Une akabalilo kōsa ngutīla ikyēne, ngukētēsya, ngwinogona une ngukolelāga ikindu ikisobi. Panongwa yakuti, une negīle ubusoke bwa i Bāngéli, mūmo fikuti Mōse āpegīḡwe amaka amakulumba, kangi umwēne ātikīle ilyalabwe mbuyo bwa kuyoba ku lyēne. Une ngukumbukila Eliya, panongwa yakuti umwēne ābūkīle gwakipala, abanike abanini bala bikummūḡīla umwēne isya kuya gwakipala; kangi umwēne alinkubīka ikigune pa banike bala, kangi malongo mana-na-babili ba bēne bagogīḡwe ni findingo, muketile. Kangi yula akāli Mbepo Mwikemo, lōli ikyēne āli nsololi, akalalisigwe. Kangi une—une ngindilēmo mu findu fyosa ifyo, ngwisa ku ikyo.

159 Kangi pala Umwene aalimile, ikuyoba kwa une. Kangi Umwene alinkuyoba, “Loli ugwe kwēnda na bīngi.” Umwēne alinkuti, “Ukwēnda na Une, ugwe kwisakwendaga gwīmwēne.”

160 Une ndinkukibona palapala, une napakisyaga fiyo ku fipanga-fipāḡūke na filifyōsa, umwe muketile, umunduyumo ikugela ukukubūla ugwe ikyākubōmba kangi ikyakusitakubomba. Ugwe kufimbilisigwa ukunkonga Umwēne. Lilino, kumbukilaga imboniboni iyi Umwēne ālimbele une ukufwana nu tuswi, umwe mumenye, kangi mūmo fikuti ugwe ukābagīle ukumanyisya ifimanyilo ifikinda-kipeligwa ku banike ba kiPentekosti. Umwe mukukumbukila. Kangi pala ikyēne kyalipo. Kangi une ndi palapala pa mbulo ya Ndumi imbya iyi.

161 Kisita kukindapo apa imboniboni yindekege une, une ndinkuyoba, “Ameni, Ntwa!” Kangi unkasi gwāngu ālimile pala, kifuki ukusilika. Kangi une ndinkunyela ukufuma nkitala, une nābagīle ukuyoba nu bununu mūmo nabōmbilēmo siku. Itolo mu sekondi, akayabo ka sekema kalikosa kalinkundeke une.

162 Une ndinkunkolēla u Dokotala Schoen, une ndinkuti, “Une ngulonda ukuti ugwe ungēte une.”

Umwene alinkuti, “Fiki?”

¹⁶³ Kangi une ndinkwisa ukukilania kula, kangi umwēne alinkungēta une, ikukēta nkati mwa mbulo sila, alinkuti, “Mbula une ifi fyabonike, Nkundwe Branham.”

Kangi une ndinkuti, “Ugwe ubagile ukwitika akapango kangu?”

Umwene alinkuti, “Mbagile bulebule une ukukyilamwa icyēne? Ikyene kyo kyabonike.”

¹⁶⁴ Ikyo kyo icyēne, muketile. Ikyo icyēne, mwinangu. Kyāla amenye ukukolelela ugwe pa kilundiko kya lito. Umwēne amēnye akabōmbelo ka kindukimo kuli ugwe mpaka Umwēne abagile ukutwāla i Ndumi kwa ugwe, muketile, ukuti ubōmbe i kindukimo.

¹⁶⁵ Umwīsyugu, une ngamanya bo buponjologwe bulinga. Une nālingile nkati pakaya patali mma, nāpilikisya ubufumusye bumo. Kangi pala ālipo undumbilili ikulūmbulila pa busyūke, ukufuma Korinti Gwakwanda 15. Kangi umwēne ālumbulilāga ubusyūke. Kangi umwēne ālimile itolo pakati pa bulumbilili ubu, kangi umwēne alinkuti, “Umwe mumenye, abāndu bingi bikutila ubuponjologwe.” Umwēne alinkuti, “Akabalilo kāko Unkulumba-gwa-bwīte Patton ātāgile ikibugutila kya basikali,” alinkuti, “polelo abēne bālimbulile umwēne...Umwēne alinkutuma indumi kunyuma kangi umwēne alinkulōnda abāngi abakongelelāpo, kangi abēne balinkuntumila umwēne abangi abakongelelāpo. Umwēne alinkukubatuma abēne balinkugogigwa, kangi umwēne alinkusuma kangi abāngi abakongelelāpo. Kangi akabalilo kāko umwēne alyāmbilile ikibugutila kyabutatu pala,” alinkuti, “akabalilo kalikosa ikipololo kyāywēgaga, abēne bābopelaga pāsi pa kitini, pamo pāsi pa kindukimo ikingi, ukutīla.”

¹⁶⁶ Umwēne alinkuti, “Ndumila une abanyāmbāla, komma abanike.” Umwēne alinkuti, “Une ngulonda abanyāmbāla aba bītēdekisye ukufwa. Une ndikulōnda umunduyumo uyu ikutīla ukufwa. Linga inongwa uswe tukulwīla yikafwāna ukufwilāpo, polelo umwe bakyūngāga abēne ukufuma kwa une. Une ngulōnda abanyāmbāla.”

Abēne balinkuti, “Lōli ugwe uponjologwe ukutikana kubili pamo kutatu.”

¹⁶⁷ Umwēne alinkuti, “Une ngaponjologwa pa bwīte. Une mbonjologwe itolo ukutikana kumo.” Ikindukimo kilinkuyoba mu ndumbula yāngu.

¹⁶⁸ Une ngukumbukila Eisenhower āyobīle, “Akabalilo kāko une ngusopa ikipolopolo, ukulagililigwa kangi abēne bikusopa ikikalang’asila mu ndusu, abēne balinkuyikwāba iyēne kangi iyēne yikutoligwa, iyēne yikābōmbīle,” alinkuti, “Une ngalekilēmo nu kwitika ubutoligwe. Une nāsopaga

ikipolopolo panja nukubikamo ikingi mula, ukugela iyène. Linga iyène yikābōmbīle, une nābīkāga ikingi kimo mula, mpaka kimo naloli kyābōmbīle.”

¹⁶⁹ Iyo yo njila ikyène kibagile ukubōmbeligwa. Une ngamanya mūmo ikyène kisakuyilaga. Lōli Kyāla yo Ndongi gwāngu pamwanya pa kigemo iki, une ngamanya ko kutoligwa kulinga kangi kulinga—kulinga ko kutikana une ngwisakutoligwaga, lōli une ndisakutoligwamo ubwīte. Umwēne ālimbulfile Umwēne ikuyaga na une. Une ngwimaga mpaka une ngukēta ubutumigwe bula bukusiimikigwa nukububona ubwēne mbubōmbélo. Une ngwānda ulubunju ulu, ni lipyāna lya Kyāla. Une ngāmenye kali ubwēne bwāyaga pakubōmba apa, kali ubwēne kububōmbaga kubuyo bumo ubūngi, mūmo ubwēne bwisakubōmbelaga pamo iki kisakubonekaga. Lōli une nisakwēndaga itolo mu ngindi sya nyīpūto, ukwīputīla ababine, mpaka une ngamanya iki kyo kikuboneka. Une nkibwēne ikyène kikuboneka kabili pamo katatu.

¹⁷⁰ Une nkibwēne ikyène kibonike mu nyūmba ya Hattie. Balinga bapilikemo siku akapanga aka balukoti, kangi akakufwana nu ndindwana, unkīkūlu unnini? Umundu gwakwanda mu bōsa uswe tumenyemo, ukufuma mmasika ga bafundigwa, nasiku āpegigwemo ulusako ukuyoba, “Sūma iki ugwe gwīganīle,” akabalilo kāko ugwe uli pala. Ngimba umwe mupilikemo akapango kala? Ngimba umwe mumbwenemo siku unkīkūlu? Balinga bakambonamo siku umwēne, kangi bikulōnda, bikulonda ukunketa unkīkūlu uyu ikyène kyabonekileko? Uswe . . .

Hattie, ngimba ugwe ubagīle ukwīma? Pala alipo unkīkūlu.

¹⁷¹ Imile mu nyūmba yāke. Ukufuma pāpo une nababwēne abalukoti lwele, aba bakāliko naloliloli nabamo ukusyungutila kulikosa, kangi, itolo ukuyoba ilisyu, kangi pala abēne bimaga pala. Ikyo kyo kyabwanaloli. Ikyo kyo, pala abēne bayaga. Kangi une ndinkuti, “Ngimba fiki fyāpelile abalukoti bala ukwisa pala?” twitūgēsye pa mēsa. Kangi u māma gwāke, Kalumbu Wright, apa alipo Nkundwe Wright, ālitūgēsye pala. Balinga bāli pa mēsa, balinga bali apa ulubunju ulu? Fyusya ifiboko fyīnu. Ena, abene bāli pala, ukusyungutila pamwanya mu nyumba. Muketile? Popapo, abene bāli pala. Kangi une ndinkuti, “Ilisiku limo . . .” Ulilumbu gwabo unnini undemale itūgēsye pala.

¹⁷² Une ndinkuti, “Ikyène kikufimbilisigwa ukwisa mu mboniboni, bo ifyo, lōli ilisiku limo ikyène kisakwisaga nubukīndāne.” Nāyobaga bo ulo. Nakalinga itolo pakamokene, i Kindukimo kilunkupaka kila (kileka ikyène ku bāndu aba), une ngīpilikāmo siku ubupake bo bula. Nongwa ya fiki? Panongwa yakuti Hattie āyobīle ikīndu ikitalusye.

¹⁷³ Une ndinkuti, “Ko kūgu aba lukoti bala bāfumīle? Bakālipo nabamo pala, komma nu buyo gābo mma, itolo bo liyēngo lya

telefoni palapala pala. Kangi une nākibwēne ikyēne kikuboneka kalwele ukutalula.” Kangi une ndinkuti, “Une ngamanya kūko ikyēne kyafumileko.” Une ndinkuti, “Ikindu kyēne iki une mmenye, ukuti Kyāla āgelile ukusisimikisya i Ndumi kwa Abraham akabalilo kamo, kangi Umwēne āyobīle ing’osi mukuyapo, panongwa yakuti Umwēne afumbilwe ingo’osi, ukusisimikisya Ilyēne. Ikyēne kyābagīle ukuti une nāfumbwāga abalukoti, ukuyoba abāngu. Kangi Umwēne ābōbombile ikyēne kalwele ukutalulana, pamo kahano na kabili ukutalulana.” Kangi une ndinkuti. . .

174 Kangi, Hattie, lumo kisita kumanya iki unkīkūlu āyobāga. Kēta mūmo Ikyēne kyākilenie abakabi na bakwitūfyā. Kēta mūmo ikyēne kyākilēnie filifyosa, kangi ukwisa ku nkīkūlu undondo ugwan kāya kula.

175 Kangi une nāli na madola malongo mabili mu nyāmbi yangu, ukungomokesya unkīkūlu yula, ukuti, umwēne āfingīle amadola malongo mahano pa kipanga iki ikipya iki kikwisa. Kangi une ndikuyoba iki ukunkosya isoni umwēne; umwēne akābagīle ukuhōmba amadola malongo mahano, naloliloli, ukupa ikyēne. Loli, indumbula yake mu Ndumi, umwene aalondaga. Nkundwe Neville, une ngwitika, ālitikisye ikyēne, akabagīle ukwambilila yosa ya iyēne, itolo ukundeka umwēne ahōmbe amadola malongo mabili ga ikyēne. Kangi une nāli na makalatasi mabili ga dola-kalongo mu nyāmbi yāngu, Meda ālimpele umwēne ukuti ūle ifyakulilūka, kangi une ndinkuti, “Une ngubūkāga ukwakumpa ikyēne ukugomokesya ku mwēne umwīsyugu.”

176 Polelo une ndinkwīnogona, i Kindukimo kilinkuyoba kwa une, kilinkuti, “Yeso alimbwēne umfwīlwe yula ukubīka nkati ututalama twāke tutatu, kangi Umwēne akagomwisyo siku ku mwēne.” Umwēne alindekile ukubūka ukukindilila panongwa yakuti Umwēne āli nakyo ikindukimo ikikulumbapo ukusuluka pa nsebwe.

177 Panini fiyo fikuti une nāmenye ukuti Umwēne āyobāga kwa une injila yilayila, isya nkīkūlu umfwīlwe, kisita nndume. Unndume āgogīgwe. Kangi une ngāmenye ukuti yula āli yulayula Yuyo, akabalilo kāko une nāyobīle, “Polelo une ngukyūngaga itolo amadola malongo mabili aga, Ugwe uli nakyo ikindukimo kuli umwēne.”

178 Une ndinkuti, “Ikindu kyene iki une mmenye, Yehova yo Yehova-Yire. Umwene abagile ukupa ilikemo.”

179 Kangi Hattie, kisita kumanya iki umwēne āyobaga, alinkusumuka mmwanya nukuyoba, “Ikyo kyo nakimo lōli bwanaloli, Nkundwe Branham.” O, mwe! Ikyo kyaali kindu kitalusye ukuyoba. Ikyo kyaali kindu kitalusye ukuyoba.

180 Ukufwana akabalilo kala, a Maka ga Kyāla galinkutika ubuyo bula; une ngipilikamo siku ubupakigwa bo bula. Akabalilo kāko Ikyēne kyābombīle, une ndinkuti, “Hattie,

ISI SYO IKUTI U NTWA, sūma iki ugwe gwiganile! Une ndikupāsyā iki ikyēne kili, Kyāla abambele une amaka ukukupā ugwe ikinyonyo kya ndumbula yāko lululu lilino. Linga ugwe kusuma elifu-elifu gwa madola, ugwe ubagile ukuya ni kyēne. Sūmila kwa yula ndindwana undemale ukuti asumuke nukugela ukusumuka nukwēnda, umwēne isakuaya ni kyēne. Sūmila kilikyōsa ikingi.”

Umwene alinkuti, “Ngimba une ngusumaga fiki, Nkundwe Branham?”

¹⁸¹ Une ndinkuti, “Kilikyosa iki ugwe kulonda. ISI SYO IKUTI U NTWA.” O, ko kwipilika kuki!

¹⁸² Umwēne alinkukelengania. Pala ālitūgēsye ugwise unkāngāle ugwambuha uyu āfwene agomosīgwe ku bafwe, kifuki. Pala alitūgēsye u māma gwāke unkāngāle, mbinemo. Pala pālitūgēsye ugwāke unnini, ulilumbu undumale.

¹⁸³ Lōli umwēne āsalile itolo iki kyāli kitalusye. Umwēne āli na balumiana batubwa babili itolo mu ngululo ya bwālangāni. Undume gwāke umpala akīndīle ku Lwimiko; umwēne āli Nkristi, ikugūlīla. Lōli abalumiana bakāli baKristi mma. Umwēne alinkuti, “Imyoyo gya balumiana bāngu babili.” Kyāla asaye indumbula yāke.

¹⁸⁴ Une ndinkuti, “ISI SYO IKUTI U NTWA, ugwe kabaga abēne.”

¹⁸⁵ Kangi pala abēne balipo, bōsīgwe mu Lwitiko. Abēne bāmbulaga une ikilo kimo, kōpe, kala akalumiana akanini fiyo kakusuka amalundi nkati mula, ikubika amaboko gake pamwanya pa ntu gwa Nkundwe Neville, nukummwīpūtila umwēne akabalilo kāko umwēne asukaga amalundi gāke.

¹⁸⁶ Abalumiana abanini babili lumo bitūgēsye ndukomano pa buyo bumo ulubunju ulu. Ngimba abēne, Hattie, ngimba abēne bali apa na ugwe? [Kalumbu Hattie ikuyoba, “Abēne bali kunyuma kula.”—Nsimbi] Mu nyuma, mu nyuma. Muli kūgu umwe, balumiana? Fyosa amaboko gīnu. Bali kūgu abalumiana babili? Mwaketa lelo umwe, bimile mula mu nyuma. Kyala abasaye umwe. Umma ndaga. Mwaketa lelo umwe.

¹⁸⁷ Lilino, fiki fyabonike? Ikindu kilakila, kali iki umwene ikubombaga...iki umwēne angali asūmile, umwēne angali āmbilīle ikyēne. Umwēne angali akabile ikyēne.

¹⁸⁸ Lilino une ngulōnda ukukēta ikyo ukuboneka. Ikyēne kikuyaga akāmbilīlo ka bāndu ku Ndumi. Muketile mumo umwene aayobile ikyene? Umwene ayobile itolo ikindu ikitalusye. Ikyene kyo iki ugwe kuyoba, iki kikubōmba ikyene. Iki ugwe kuyoba!

¹⁸⁹ Keta u nkīkūlu gwa ku kiSirofinisia akabalilo kāko umwēne ikwīsa kwa Yeso. Umweene alinkuti, “Ntwa, umwanundindwana gwaangu atamiigwe nubusulumanie

nu mohesi. Ugwe gwe Mwanundumiana gwa Davidi, isaga isambumbulusye umweene.”

¹⁹⁰ Umweene alinkuti, “Ikyeene kikaya kyaakufwaana kuli Une ukwegapo pa nkati gwa baana nukupa ugweene kwa umwe mwe mbwa.”

¹⁹¹ Whuu! Bule linga Umweene angali ayobiile kila kwa bamo mwa uswe? Uswe angali tukuti, “Kungoolela une mmbwa? Haa, kikaali nakimo ku Mweene, mulimosa! Ikipanga ikinywamu kyo kitalusye. Umweene akaya nayumo looli mwikemo-mbumbuluka. Umweene akaya nakimo looli Bezezebabu.” Uswe angali tukuya nu bwambililo bula. Loli komma umweene.

¹⁹² Umwene alinkuti, “Ikyene kyo kyabwanaloli, Ntwa. Ugwe uli katikati ntalusyi. Looli imbwa sikwitikisya ukulya utusyaale paasi pa mesa ya baana.”

¹⁹³ Kila kilinkummwaga Umweene. Umweene alinkuti, “Panongwa ya buyobelo ubu, u mohesi asokilemo mwa mwanundumiana gwaako. Panongwa ya buyobelo!”

¹⁹⁴ Ikyeene bo bwambililo bwiinu, biinangu. Ngimba Umweene akaayobile ikyeene? Umwe mukufimbilisigwa ukwitika ikyeene, biinangu. Ugwe, komma ukunyitika une, une ne nnyambala; loli umwe itika iki une ngubabula umwe, itika i Ndumi. Linga ugwe utikwitika u ntumigwa, itika i Ndumi. Linga u muundu ālingile nkyuma mula, na telegalamu, kali yo ywaani, iki umuundu yula abonekaga ukuya, ywaani umweene aali, nywaamu pamo nnini, ugwe itiki iki kili pa telegalamu, komma u muundu. Kyaala andumile une ukubabuula umwe. Une ndinayo i Ndumi. Kyaala andumile une ukubabuula umwe ukuti Umweene asyuukile ukufuma ku bafwe, ukuti Umwene ali apa ulubunju ulu. Umweene asisimikisye ikyeene ukwisila mu fimanyilo ni fiswiigo, ukuti Umweene ali apa, kangi aligwesa gwa umwe abagiile ukubumbulusigwa ku bubine bwaabo linga ugwe ubagiile itolo ukweega ubwambililo ubutalusye bo ugwe kwiisa. Ngimba ugwe kubombaga ikyo, akabalilo kako uswe tukwimba *Itika Itolo*.

¹⁹⁵ Lilino unko bala baabo bikuyaga pakwiiputiligwa, isaga kunokuno kuno kangi baamba itolo ukusyungutila apa. Lilino, komma ukwisa pene paapo ugwe kwitika ni ndumbula yako yosa.

¹⁹⁶ Gwempala Ntwa, iyi yo sala. Une ngusuma ukuti Ugwe kwisakubumbulusyaga abandu aba, Ntwa. Kangi kemesyaga amafuta aga. Egaga u lwiimiko kwa Gwiimweene, Taata. Uswe tukutuma ifi mu Ngamu ya Yeso Kristi. Ameni.

¹⁹⁷ Une nguswiiga linga uswe tubagile ukusuma ukuti bala abaandu aba bimile ulubafu *ulu* apa, linga yilipo injila iyi abeene babagiile ukuyaaga itolo ni fwaasi innini apa, ukuti uswe tubagiile ukubatwaala abandu itolo kifuki, linga umwe mubagiile. Palapala ukukiinda apa, ukubuuka panja injila *yila*.

Polelo abeene babagiile ukwiisa injiila yoosa yila, palapala pasi pa lukindi, ukupela ulubaambo lumolweene lukubuuka panja injiila yila.

¹⁹⁸ Ikindukimo kibagile ukuboneka, Nkundwe Neville. [Nkundwe Neville ikuyoba, “Ameni. Ikyene kikuboneka lululu ulu. Ntufye Untwa! Yeso ali apa. Ena. Aligwesa gwa bene abumbulusiigwe mu Maka ga Kyala.”—Nsimbi] Ameni.

¹⁹⁹ (Kuyoba fiki? Kotalusya...Mulimoso, umma, itolo papapa ukukilania pala. Nkundwe Neville na une, ena, uswe tukuyaga ukubiiputula abeene ku bumalikisyo. Popaapo, kabagila ukubatwaala abeene ukusyungutila injiila iyi, nongwa yakuti ugwe angali, linga ugwe kuyaga pakuboomba...Itolo i miniti...?)

²⁰⁰ Lilino unko une njobe ku kilundilo iki kikuguulila: *Ili* lyo Lisyu Iya Kyaala, Yuyo une...Uyu une nguyila muumi, kangu ngwisakufwilamo, ni lipyana nu butuli bwa Kyaala. Kyala ukuya Ndongi gwaangu pamweene, une mbabuulile umwe u Bwanaloli. Une ngetile, kangu ifindu fyosa ifi fikwisa kulakula ku kyeene. Koope ku kaswi akanini aka kasyuusiigwe paasi pala, ngimba umwe mwapilikemo akapango? Pala biituugesye abanyaambala kunyuma kula, bosa babili ba abeene, aba baali kula akabalilo kaako ikyeene kyaabonike; kyabuuliigwe ilisiku limolyene bo ikyeene kikaali ukuboneka. Lilino, une ngubabulaga umwe bulebule ifindu ifi fifyo filifi? Muketile, une ngulonda ukulumbulila pa, kimo mwa kilo isi, pa *Ukugelelana*. Ummundu abagiile ukukubuula ugwe ikindukimo, kangu itolo ukumilisa ukuyeenga bo ulu, looli linga likayapo i Lisimbo ukugelelana ni Iyene, ikyeene kubumalikisyo kisakugwa paasi. Linga ukumanyila-ngaani, ni mboniboni isi ni fiindu ifi une mbabuulile umwe, linga ikyo kikaali Bwaanaloli; ikindu kyaakwanda, lilipo i Baangeli ukukituula ikyeene, kangu pala aalipo u Mbepo Mwikemo ukusisimikisa ukuti une mbabuulile u Bwanaloli.

²⁰¹ Lilino, une njile kifuki ifyinja kalongo na fina mu ngunda, ukukindamo mwa ndondabusobi aligwesa uyu agigwaga pankyeni pa une. Abamanyi, abakomu, kilikyosa ikingi, komma akalibalilo kamokene babagiile abene...

²⁰² Polelo umwe mumenye iki abene bayobile? Umwe mupilike ikyene apa. Abene bikuyoba, “Abandu mula nkilundilo bikubukaga ukusyungutila, ukuyoba ku bandu.” Ikyakwanda abene bayobile ikyene bali bandu ukufuma ku kipanga kyangu, aba bikubuka kula ukubombigwa. Polelo abene balinkutoligwa ukupilikisa kila, balipo ba bingi ba abene.

²⁰³ Ikindu ikikonge abene balinkuyoba, ukuti, “Ikyene kikuyaga ngati bakundwe” aba bikubuka na une, “abene bikwima kunyuma kula nukuyoba, “Unnyambala *uyu* alinakyo ikyakupilikila, mu mbulukutu syake.”

204 Polelo abēne balinkuyoba ukuti, “Billy Paul, Billy Paul ābagīle ukwīsa kangī—kangī ukubūka pamwanya pala nukubala amakadi, iki abāndu bikuyoba. Linga pala kilipo ikindukimo kitamisyē ni mbulukutu syābo, umwēne abagīle ukuyoba, ‘imbulukutu syābo’ pamo ‘munda mwābo.’”

205 Bulebule nkisu babagīle bala panja pala aba bakaya na makadi ga lwiiputo nagamo? Bulebule nkisu kibagīle ikyēne ukuyobela-ngāni ifindu ifi fikuboneka nupelelesye? Ngimba ikyēne kibagīle ukuya bulebule injila yila? Ikyēne kikābagīle ukuya. Aligwesa amenye, aba bo balinalyo ilinogono ilitalusyē.

206 Abene bāyobīle ikindu kilakila ukufwana na Yeso, akabalilo kako Filipu aabukile kangī aalimmwagile Nataniele. “Umwene aali mwinake gwa Yeso.” Umwēne alinkuti, “Nālōi, umwēne ālimbūlīle Yeso syōsa isya isyo. Umwēne ikunkōnga umwēne.”

207 Kangi polelo abafūndīgwa bala bāyobīle, pamo abafūndīgwa bala aba kipānga ikinywāmu bāyobīle, “U Nnyāmbāla uyu yo Bezezebabu. Umwēne yo Bezezebabu. Umwēne yo ndagusi.”

208 Yeso alinkuti, “Une ngubahobokela umwe pa ikyo. Loli ilisiku limo u Mbepo Mwikemo ikwisa ukubomba ikindu kilakila, ilisyu limolyēne ukulwana na Uyo kitisakubohokeligwamo siku.” Lilino linga . . .

209 Une njīle gwanaloli-ndumbula na umwe bāndu, itolo ukuya gwanaloli-ndumbula mūmo une nāmanyīle ukuya. O, une lumo nākanikēne ni nyiho simo isi umwe mulinasyo mu bufundakyala ni findu. Loli, inongwa iyi une ngubomba ikyo, Pauli aayobile, “Linga u gwāndūmi ukufuma ku Mwanya ikwīsa nukulūmbilila ikindu kilikyōsa ikingi lōli komma iki i Bāngēli lila likuyoba,” kangī iki umwēne amanyīsyē, “unko umwēne ayēge ngunigwe.”

210 Popāpo, une ngufimbilisigwa ukukōnga itolo iki i Bāngēli lyāyobīle. Linga i Bāngēli likuti, “Umwene yo yulayula mmayolo na bwila,” une ngwitika ikyo. Kilikyosa itolo iki i i Bāngēli lyāyobīle, ikyo kyo katikati itolo iki une ngwitika. Une nguyoba ikyene bo ulu. Une ngāli nu bumanyili bulibōsa, ngāli nako ukumanyisigwa kulikosa. Une itolo ndinkupilikisya kwa Mbepo Mwikemo ni Bāngēli. Kangi mpaka na mwīsyūgu, ukufika ku lubunju lwa Pāsa ulu, ku fyīnja malongo-matatu-na-kimo, Umwēne akansulumanisyāmo siku une.

211 Kangi une ngukubula ugwe ukuti u Mbepo Mwikemo aalimbūlile une pa butumigwe bula bukwīsa, ku fyīnja fibili pamo fitatu ifi fikindilepo, kangī une mfibūlīle ifipanga kulikōsa. Kangi Kyāla Mwenemaka ukuya Ndongi gwāngu, papapa pamwanya apa ulubafu ulu lwa Salem, aba lukoti bala bikwisa mu kuyapo kūko kukālīko aba lukoti nabamo. Kulakula kūsi kula na Charlie, twīmīle kunyuma kula, kangī ikulundilo kya abēne pāsi apa mu Kentucky; aba lukoti bala bikwisa mulamula mmabuyo kūko abēne bakālīko, kyābūlīgwe kūko ikyēne kikuyaga. Kūko Tony na bala, Banks, bītūgēsye kula.

Kangi pala ikyēne kyāli, katikati. Ukwisa itolo ukugomokela, kangi umundu gwakwānda ikyēne kyāyobigwépo siku, āli nkīkūlu yula itūgésye palapala pala, kangi pali ikyēne kili. Ulubunju lūmo pamwanya apa, akabalilo kāko une nāli mbine na kayīlo ka mmilo, une nālimbwéne Yeso imile pankyēni pa une, kangi Umwēne alinkumbula une ukuti ubutumigwe butalīle busisimikisigwe kwa une.

²¹² Lilino iki kikwisaga ukuboneka, une ngamanya. Lōli, ikindu kimokyēne, une ngufimbilisigwa ikingi, ukusōkapo panja pa iki. Injila yēne iyi une mmenye ukubōmba. Kiyeye ikyēne kyakumanyigwa lilino, unko iki kiyeye king'waligwe, bo mūno Yobu āyobile ulubunju ulu, ni kisimbilo kya kisulu, pa lyālabwe. Une ngamanya ikyakubōmba. Ikindu kyēne iki une mmenye, ko kukata makato nkyēne. Umwēne ālimbūlīle une. Kangi Kyāla yo Ndongi gwāngu, Umwēne ālimbūlīle une. Une mbabulile umwe u Bwanaloli. Kangi linga Kyāla asisimikísye nukukubūla ugwe, kangi komma akabalilo kamo abagīle aligwesa apa ukubikāmo siku ikiboko kyābo pa kalikōsa kāli kasobi, polelo iki kyo kitalusye, kyópe. Ikyēne kyo kitalusye, kyópe.

²¹³ Lilino akabalilo kāko une ngubuka kuno kangi ukwīma pa bumalikusyo bwa lukindi, une ndinagwe unkulumba, Nkundwe Neville pala, u nnyāmbāla ugwabunyakyala, untimi gwītu apa, ukupaka abāndu, une ngubīkāga amaboko pa bāndu, panongwa yakuti ubutume bwa Yeso, ukufuma pa Pāsa, bwāli, “Buka kabīke amaboko pa babine, abene bisakubumbulukaga.”

²¹⁴ Une ngamanya iki Umwēne ikumbulaga une ndukīndi mula. Une ngugelaga ukwipilika bo ngupalamasya ukupakigwa kwapamwanya kula. Une ngamanya iki kikubonekaga. Une ngamanya. Kali ikyēne kyo fiki, une nisakubōmbaga itolo mūmo Umwene ikumbūlilāga une.

²¹⁵ Lilino ukwisa pala, ukwisa pala ni ndumbula inyisusanio. Kali Umwēne ikukukemela ugwe, linga Umwēne ikuyoba nakimo kwa ugwe, kali ikyēne kyo fiki, ugwe sōka ngapo kuntūfya Umwēne, umwe muketile. Nongwa yakuti, imbombo yibōmbígwe, iyēne yo njila yimo ukufikila kwa ugwe.

²¹⁶ Lilino, nkundwe, ni kilūndi kila, une ngulōnda ukwitika ikyēne. Linga Umwēne, ukwisila mu telefoni, ābagīle ukusōsyāpo ulutamio lwa mūnda lula ukufuma kwa ugwe, Umwene aabagīle ukusōsyāpo ulutamio lwa kilungi kila ukufuma kwa ugwe ulubunju ulu, muketile. Lilino ugwe itika ni ndumbula yako yosa.

²¹⁷ Kangi unkikulu unnini uyu ali nu mwana yula ali nu lutamio lwa ndumbula, komma ukwilamwa mosa kangi umma. Itika! Itika!

²¹⁸ Lilino une ngulonda aligwesa mu kipanga ukuya mu lwiputo. Kangi une ngubukaga pāsi kukwiputa. Mwesa ba umwe itolo umilisyāga ndwīpūto lilino, akabalilo kāko une

ngutwāla ulukīndi lwa lwīpūto ukukīnda, ngusuma, itolo ngubīka amaboko gāngu pa kila nukuyoba ulusayo.

²¹⁹ Kangi, kumbukilaga, linga aligwesa gwa umwe alinasyo imbīmbi insitakulātigwa, kiyege ikyēne kimanyigwe kwa ugwe ukuti Kyāla atisakukubumbulusyāmo siku ugwe nu butulwanongwa busitakulātigwa bula. Tendeka ikyēne kiyege kanunu, bo ugwe ukāli ukwisa ukukinda kuno, nongwa yakuti ikyēne kikukupela ugwe ukuya kibibipo. Muketile?

²²⁰ Lilino ikyēne kikaya kumanyila-ngāni mma. Ukumanyila-ngāni, une ngufyāgania ifindu fila. Lōli, kangi iki kikaya kumanyila-ngāni mma, une ngulōndésya ubutumigwe ubupya. Mwesa ba umwe mukupilikisya kanunu? Umma ndaga. Lilino itika.

Lilino unko uswe twīpūte bo uswe tukwinamisya imitu gyitu.

²²¹ Tāta Kyāla, imbindikisye-sya-nyobe syāngu sikāli sili pa kigemo iki, ukufuma ku sala ukufuma ku sala, lilino ku fyinja malongo matatu pamo ukongelalapo, ifi une nīmīle apa ukulūmbilīla, kangi ukusyungutila ikīsu. Kangu Ugwe usisimikīsyē i Nongwainunu iyi une ndumbilīle, panongwa yakuti i Ndumi yīsīle ukufuma kwa Ugwe. Une ngābukilēmo siku ku sukulu yiliyōsa, ngāmanyilamo nasiku kwa aligwesa lōli kwa Ugwe, ngubala Lisyu Lyāko kangi ukugulila ukuketa ifi Mbepo ikuyobaga ukuti bōmba.

²²² Kangi lilino, Ntwa, Ugwe umenye isya butumigwe ubu bwa Mariko 11:23, kangi ukumanya ukuti isala yili kifuki, ukumanya une nubwanaloli njobile isya ba lukoti, kangi isya Kalumbu Hattie na balumiana bāke. Lilino, Tāta, kangi ukumanya ukuti imboniboni yila yikwisa kwa une pamwanya apa nkitala, ulubunju lumo. Une ngetile i Bāngéli lila, kangi polelo ikipīngika, kangi polelo Ugwe. Kangi kyāsetulīgwe mu linogono lyāngu ukuti une mbagīle ikukyītikisya ikyēne, panongwa yakuti ikyēne kisisimikisīgwe.

²²³ Lilino, Ntwa, une ngubūka nkyēni ulubunju ulu nkipānga kyāngu, ukwīma apa pa lubunju lwa Pāsa ulu, ngusuma ukuti Ugwe kumfyūsyağa une ku kikungilwa ikipya, kyamaka mingipo, panongwa ya bāndu, kyamaka mingipo. Komma panongwa ya bupoki bwāngu; panongwa yakuti Ugwe utalile umbokile une, Ntwa, utalile. Komma panongwa ya nīmwenē; une ngānile ifīndu fyōsa ifikulumba, ukukumanya Ugwe. Bo Ugwe gwāyobīle kwa une panja pala ku tempeli ingulumba yila, ilisiku ilingi, “Une ne kiyabo kyāko.” Lilino, Ntwa, unko une njege kiyabo Kyāko, ukuti une mbagīle ukwāga ukuganiligwa na Ugwe, ukuti u Mbepo Gwāko isakwīsa mwa une. Kangi akabalilo kako une ngubīka amaboko gangu pa bandu abapala, abakubilwe, u Mbepo Gwāko, Ntwa, ali bōmbāga iyi yisyēle. Ikyo kyo kyōsa une mmenye ukubōmba, Ntwa.

224 Une ngukumbukila ubutume bwāngu, une “nāpāpígwe ukwiputula abāndu ababine, ukubatwāla abēne ukwitika, nukuya gwanaloli-ndumbula akabalilo kāko ugwe kwīpúta.” Ntwa, une ne itolo . . . Une ngamanya akayilo ka kuya gwanaloli-ndumbula kangi mma. Une—une . . . Abēne bikukubíwa, Ntwa. Kangi une—une ngubíwe, nimwēne. Nālamba, Gwe Kyāla, paga ukuti abēne bisakubumbulusígwaga, aligwesa gwa abēne.

225 Une ngubūka nkyēni, Ntwa, nu lwítiko, bo yu Mōse āsegelile ku Nyānja Ingeseфу. Une ngusōkapo ukufuma pa kigemo ikikemesígwe iki, ukusuluka ku lukīndi lwa lwīputo, mu Ngamu ya Yeso Kristi. Tucusuma Kyāla Yuyo ālimbéle une abalukoti bala, Kyāla Yuyo ālimpéle Kalumbu Hattie amasyu gala, Kyāla Yuyo alindumile une ukubayoba abēne, alibukaga Umwene na une. Une ngubuka mu Ngamu ya Yeso Kristi. [Nkundwe Branham ikusókápo pa kyakuyobelapo ukwakwīputula ababine, mingi ga masyu gāke gatikupilikigwa—Nsimbi]

226 Sētáno, une ngutobesya i . . . ugwe, mu Ngamu ya Yeso Kristi, ukundeka u mwāna. Kaleka akēne, sōkāmo mu mwanike uyu; būka, kangi umwāna isakuyaga kanunu.

227 Une ngubika amaboko gangu pa nkundwe gwangu, mu Ngamu ya Yeso Kristi, kangi ngutobesya ukukomeligwa pasi kosa uko. Ameni.

Mu Ngamu ya Yeso Kristi, mpāpo umwe ukusūma kwāke.

228 Gwe Ntwa, mu Ngamu ya Yeso Kristi, mpāpo Kalumbu Ruth ukubūmbulusya kwāke. Ameni.

229 Une ngwiputula u mwana yula. Loli une—une ngwisa pasi ukufuma kukigemo kuno . . . Ngimba ugwe kwītūgāsya kugu? [Kalumbu ikuyoba, “Bloomington.”—Nsimbi] Bloomington, Indiana? Nsimbila une u kalata isya mwāna uyu. Atupile mōsa mūnda apa lilino. Ngimba ugwe kuyaga pakwītika, nkíkúlu, ukuti ikyēne kyo kitalusye? [“une ngwitika ikyēne kyo kitalusye.”]

230 Polelo, Tāta, une ngubika amaboko gāngu pa . . . umwāna uyu, nukunkemela u mōhési uyu. Sokāmo mwa mwāna. Kangi ngulāmba i . . . ? . . . Kaliyaga akēne kanunu kangi umwāna ayege mbumbulusígwe.

Ugwe nsimbila une kalata, mmasiku mmabili.

231 Keta u mwāna unsyumbutuka-maso unnini alambalele pala? Linga ugwe utisakwilāmwa kangi mma, ugwe kwīsakutwāla umwāna *yula* ukugomoka nukunnāngisya umwēne ukuya mpuma kangi kanunu.

232 Une ngubika amaboko pa kalumbu uyu. Kangi aliyaga umwēne ubwambililo bwa nkíkúlu gwa kiSirofinisia. Kangi umwene alibumbulusigwaga mu Ngamu ya Yeso Kristi . . . ? . . .

Unko indumbula yiyeye kanunu, mu Ngamu ya Yeso Kristi.

233 Une nguyoba amasyu aga. Akene kakufimbilisigwa ukuya kanunu. Akene kakabagila ukuya akandukamo akangi. Yeso ayobile, “Une mbagile, linga ugwe kwitikaga.” Lilino, linga Umwene abagile ukupela u lukoti ukuboneka palapala bo *ulo*, bo mūmo Umwene ābōmbile ingo’si inyambala akabalilo kamo, Umwene abagile ukupela indumbula yila ukubonekela kanunu nukuya kanunu. Iyene yikufimbilisigwa ukuya.

Mu Ngamu ya Yeso Kristi, itikisya indumbula ukuya kanunu. Tupaga icyene.

234 Lilino, ngimba ikyo kikaya kipepe? Ikyene kyo kipepe. Kyāla yo mpepe fiyo, uswe tukukilania pamwanya pa icyene. Lilino ugwe itolo yaga mpepe fiyo komma nukwīnogona isya icyene kangi mma. Iiyene yisakuyaga kanunu mōsa.

235 Gwe Ntwa, itikisya u kalumbu gwītu ukuya kanunu, mu Ngamu ya Yeso Kristi. Ameni. Kalumbu...?...

236 Ntwa, lilino une njobile amasyu aga, nubwanaloli-ndumbula mūmo une mbagile ukwīlata pankyēni pa bāndu. Une mbabūlile abēne, “Linga ugwe kuyoba ku kyāmba iki, ‘Yaga nsamisigwe,’ kangi komma ukwīlāmwa, ugwe ubagile ukuya nakyo iki ugwe uyobile.” Mu Ngamu ya Yeso Kristi, ubukomeligwa pāsi ubu buli sosigwāga, ni ndamio syāko syōsa isi ugwe ulinasyo. Komma ukwīlamwa lilino. Bukaga kifuki kulakula ku Mwene lilino.

237 Ntwa, une ngubika amaboko gāngu pa nnini uyu nu bubabe bwa ntu ububibi ubu. Mu Ngamu ya Yeso Kristi, kalibumbulusigwaga akene. Ameni.

238 Ntwa, mu Ngamu ya Yeso Kristi, unko icyāmba kila kisumuke ukufuma ku mwēne, akēne kalibumbulusigwāga. U nkundwe gwītu alipeligwa mpuma yōsa...?...Ameni.

239 Gwamapuli kangi gwakinunu; gwamapuli gwakinunu. Ntwa, mu Ngamu ya Yeso Kristi! Une nīmīle nukulūmbilila ilisiku ukufuma pisiku, kangi icyīnja ukufuma pakyīnja, Une ngakētāmo ulwītiko lukwīsa ukukolelana na Ugwe, mbumi bwāngu bōsa, lōli lūlo kyālipo kimo kyābonike! Lilino, umwēne yo gwamapuli mu mbulukutu yāke, kangi apufwīke mūnda mwāke. Unko umwēne abumbulusigwēge, mu Ngamu ya Yeso Kristi. Ameni.

Lilino, komma ukwīlamwa.

240 Gwe Ntwa, Ugwe umenye ingomeligwe-pasi sya mbili gwake. Na maboko pa mwēne, ni ndumbula yabwanaloli, unko umwēne ayege mbumbulusigwe, mu Ngamu ya Yeso Kristi. Ameni.

241 Ubufwe bulāmbalele pa kifigo kimo, ulwītiko pa kīngi. Kyāla, bungulusya ukusōsyāpo ilibwe kangi unko ulwitiko lwegege ubuyo. Ngulamba kansa alisōkapo pa mwēne, mu Ngamu ya Yeso Kristi.

242 Ntwa, ngulamba umwēne alibumbulukaga. Une ngubika amaboko gāngu pa mwēne. I Ndumi yikāli yikukuba mfibūmba. Mu Ngamu ya Yeso Kristi, umwene ali bumbulusigwaga.

243 Tata Kyala, une ngubika amaboko gangu pa nkundwe gwangu. Unko ikylene kiyege, gwe Ntwa, Mbepo Gwāko kangi amaka, ukupa ku mwene ubusume bwāke. Unko ikylene kiyege, mu Ngamu ya Yeso Kristi. Amen.

Ikyēne kimalike. Komma ukwīlamwa ikyēne lilino.

244 Ntwa, ikinyonywo kya nkundwe gwītu ko kwīsa mu Kuyapo Kwāko, na bubine ubu pa mwēne. Lilino, mu Ngamu ya Yeso Kristi, unko umwēne ayage na iki umwēne ikisuma. Amen.

245 Kyo kindu kikulumba kiki! Unko u Mbepo Mwikemo īse pa mwanike uyu, ku lwimiko lwa Kyala ukuti abene babagile ukuntwala umwene ku iki...?...Panongwa ya Kitangala kya Kyala, umwene ali ambililāga ikyēne. Amen.

246 Tata, mu Ngamu ya Yeso Kristi, itikisya ikylene ukuya bo lulo, ukuti u kalumbu gwītu ikubumbulusigwa, kangi ubusūme bwāke bupēgigwe, mu Ngamu ya Yeso. Amen.

247 Kilibōmbigwāga ikyēne. Ugwe kwisakwambilila u Mbepo Mwikemo. Yikayapo injila ya ukukyūnga ugwe ukufuma...?... Ugwe kufimbilisigwa! Ugwe kufimbilisigwa ukwambilila Umwēne, panongwa yakuti Kyala aayobile lulo. Ugwe imaga na Ikyēne.

Itolo bongotola itolo ukukīnda akakalang'asila kanini kala. Itolo yoba...?...

248 Tata Gwakumwanya, mu Ngamu ya Yeso Kristi, paga ubusūme bwa kalumbu gwītu. Amen.

249 Tata, mu Ngamu ya Yeso Kristi, paga ubusume ubwa kalumbu gwītu. Umwene ali bumbulusigwaga. Amen.

250 Umwēne abagile ukupela u lukoti ukwisa mu kuyako, kahano na kabili ukutalula. Umwēne ābagile ukupa unkikūlu yula kalikosa umwēne āsumile; Umwēne ābagile ukupa ikyēne kwa ugwe...?...

251 Gwe Ntwa, mu Ngamu ya Yeso Kristi, paga ubusume bwa kalumbu gwītu. Ikyēne kyo Lisyu Lyako. Ndaga Ugwe. Kangi kilipigwāga ikylene kwa umwene, Tata, ukwisila mwa Yeso Kristi. Amen.

252 Abaganigwa bāko? Tāta, mu Ngamu ya Yeso Kristi, paga ifi...?...

253 Ntwa, unkikūlu unnnini ugwa kiYuda uyu...Ugwe gwe Kyāla gwa Abraham. Paga ikylene, mu Ngamu ya Yeso Kristi, ubusume bwake. Polelo ikylene kikuyaga!

254 Mu Ngamu ya Yeso Kristi, Kyala gwa ku Mwanya, paga ubusūme bwāke. Amen.

255 Undindwana unnini uyu. Mūmo itolo ugwe gwĩsile pa kigemo pala, Kyāla āmbulāga une fyōsa ifya būmi bwāko. Umwēne isakusōsyaga ngapo ulutende lula ukufuma kwa ugwe.

256 Ntwa, une ngutobesya ulutende mu ndindwana uyu. Ulwēne lulindekāga umwēne isala iyi kangi umwēne asōkége ukufuma apa nsangaluke fiyo. Ikyēne kisakuyaga, mu Ngamu ya Yeso Kristi.

257 Kyāla gwa ku Mwānya, Yūyo asyūsīsyē u Mwanundumiana Gwāko, Yeso, mbusyūke uswe tukwikyēla, umwene alisangulukaga ikyēne mbukulumbapo umwisyugu...?... Mu Ngamu ya Yeso. Ameni.

258 Mu Ngamu ya Yeso Kristi, Mwanundumiana gwa Kyala, une ngubika amaboko gangu pa kalumbu, ukusuma ukuti umwēne abagile ukubumbulusigwa lilino mu Ngamu ya Yeso.

259 Mu Ngamu ya Ntwa Yeso Kristi, u Mwanundumiana gwa Kyala, ali bumbulusigwaga kalumbu gwītu. Ameni. Ikyēne kikabagile ukunkamanda umwēne mma. Ikyēne kikufimbilisigwa ukusōkamo. Būka, iki itolo kikufimbilisigwa ukusōkamo.

260 Gwe Ntwa, mu Ngamu ya Yeso Kristi, kalumbu alibumbulusigwāga. Ameni. Mu Ngamu ya Yeso Kristi, une ngubumbulusya iki, kalumbu gwāngu. Ameni.

Mu Ngamu ya Yeso Kristi, une ngubumbulusya kalumbu gwangu. Ameni.

Mu Ngamu ya Yeso Kristi, une ngubumbulusya kalumbu gwangu.

Mu Ngamu ya Yeso Kristi, une ngubumbulusya iki, kalumbu.

Mu Ngamu ya Yeso Kristi, une ngumpa umwēne ubusūme bwāke. Ameni.

261 Ntwa, mu Ngamu ya Yeso Kristi, une ngumpa u mama unnini uyu ubusūme bwāke.

Mu Ngamu ya Yeso Kristi, une ngumpa umwe ubusūme bwake, Ntwa.

Ntwa, mu Ngamu ya Yeso Kristi, une ngumpa umwēne ubusūme bwāke.

262 Sētāno, une ngukubopesya ugwe. Mu Ngamu ya Yeso Kristi, sōkamo nu nkikulu.

263 Kyākupinyile ugwe akabalilo katali. Ugwe uli mwābuke lilino. Ugwe kuyaga kanunu. Ukwene kukuyaga kanunu lilino, polelo. Itikaga ikylene lilino.

264 Kyāla, mu Ngamu ya Yeso Kristi, une ngumpa u kalumbu uyu, uyu yo ndemale, ububumbulusyo bwāke. Ameni.

265 Mu Ngamu ya Yeso Kristi, une ngumpa u kalumbu uyu ububumbulusyo bwāke. Ameni.

266 Mu Ngamu ya Yeso Kristi, kalumbu, une ngukupa ugwe ubumbulusyo bwāko. Amenī. Kiyege mūmo ikyēne!

267 Une ngusubila kwa Kyala une ndikubomba ubusobi. Paga iki, nu lwitiko. Kiyege mūmo ikyene!

268 Ngimba ugwe kwitika Kyāla ikukupa ugwe amaka ukubūmbulusya ulutamio lwa ndumbula nugwe? Ngimba ugwe kwitika akapango kala aka une njobile itolo? Ni ndumbula yāko yōsa? Polelo une ngungupa ugwe ububumbulusyo bwāko. Mu Ngamu ya Yeso Kristi, une ngukupa ugwe ububumbulusyo bwāko.

269 Ngimba ingamu ya nkīkulu uyu yo fiki uyu agomokile itolo apa? Ngimba ugwe kwitugasyaga ukusyungutila apa kubuyobumo? [Kalumbu, “Ena.”—Nsimbi] Ugwe kumbukila ukuti ugwe ubumbulusigwe! Ikyo kyo itolo kyābwanaloli bo mūmo une nimile apa.

270 Tāta, mu Ngamu ya Yeso Kristi, paga iki, une ngusuma, ububumbulusyo bwāke. Amenī.

271 Tata, mu Ngamu ya Yeso Kristi, ali yaga nu bubumbulusyo bwake. Amenī!

272 Une—une—une ngufumusya ugwe... Une—une—une... Ni lipyāna lya Kyāla, ukwisila mu kyābupe Kyabunyakyala, une ngukupa ugwe ububumbulusyo bwāko! Kaga panja u mōhési yula, yōpe.

273 Ugwe kwitika Kalumbu Rose? O Ntwa, Mpeli gwa kumwanya na pasi, mpapo uyu Kalumbu Rose Austin ukubumbusyo uku, Ntwa, mu Ngamu ya Yeso Kristi. Amenī. Ikyo kyo ikyēne, Kalumbu Rose, būka kwitika lilino.

274 Ntwa, paga kwa kalumbu gwītu ububumbulusyo bwāke, mu Ngamu ya Yeso Kristi. Amenī...?...

275 Ngimba ugwe kwitika ikyo? Ugwe itika akayabo kalikosa ka akēne. Polelo une ngukupa ugwe, mu Ngamu Yeso, ubusūme bwāko. Kyāla isakumpela umwēne ukuya kanunu.

276 Kiliyaga lululo ikyēne, Ntwa, ukuti ulilumbu isakubumbulusigwāga, mumbili kangī mwambepo, mu Ngamu ya Yeso Kristi. Amenī!

Yiliyaga iyi sala ukuti akabalilo kāko...?...

277 Ntwa, une ngubīka amaboko pa mwēne, akabalilo kāko umwēne nsitalusubilo nubupelelesye, ku bagānga pamo ukupolesya kulikōsa ukufuma ku sayansi gwa mikota. Lōli komma ukufuma pa kwāgāna na Kristi unsyukano. Mu Ngamu ya Yeso, alibumbulusigwāga umwēne. Amenī.

...?...

278 Ntwa, paga kwa kalumbu gwītu, ukupilikisya kifuki ku busūme bwāke, ukukētésya ilisyu lililyōsa umwēne āyobīle.

Ikyene kyo panongwa ya Kitangalala. Une ngusuma ukuti Ugwe kupaga ikyene ku mwene, mu Ngamu ya Yeso. Amenii.

[Kalumbu ikuyoba ku Nkundwe Branham—Nsimbi] . . . ? . . .

279 Ntwa, ukuya ntumigwa Gwako, ukunkēta mama yula ikukūtila umwāna gwāke, une ngukemela umohesi uyu ābōmbile iki.

280 Kangi pa bwīlate bwa nkīkūlu ubwa lwītiko, une ngakaga u mōhēsi. Ugwe utisakundemasya umwanike uyu mma. Yaga mbumbulusigwe mu Ngamu ya Yeso. Amenii.

Umwēne afuma itolo pakubūmbulusigwa, kalumbu. Itolo komma ukwīlamwa ikyēne, na kayabo mma. Kyala akusaye ugwe, nkundwe. Uyo yo mwana gwako? Umwene aliambilila u Mbepo Mwikemo!

281 Ngimba ukabagīla ukummwegela umwāna kubuyobumo kangi kampilikisye umwene itolo ku maminiti manini. Une ngwitika ikindukimo kibonike ku mwāna. Ugwe kwisakwambililaga ikyēne. Ngimba ugwe kwitika ikyēne?

282 Mu Ngamu ya Yeso Kristi unkundwe gwītu aliambililaga ububumbulusyo bwāke.

283 Ntwa, a Maka ga Kyāla Mwenemaka gali tobesyaga ubukomeligwapasi bwa mbili gwāke, kangi mwīsūsye umwēne na Mbepo Mwikemo. Iyi yo sala na akabalilo. Mu Ngamu ya Yeso Kristi, une ngukupa Ikyēne kwa ugwe. Amenii.

284 Sukali yikīndile. Ugwe gwāmbilīle u Mbepo Mwikemo. Ngimba kabalilo katali bulebule ugwe ubinile . . . ? . . . Ubūmi bwāke bōsa. Ngimba ugwe kwitika ukuti Kristi isakukupela ugwe ukuya kanunu kangi ukukuponesya ugwe ukufuma ku mbungo iyi; ukupela ugwe ukuya kanunu?

285 Umwāna gwāko? Ikyāko—ikyāko ikilūndi. Ugwe itolo gwīsīle itolo gwīmwene? Linga une nāli, linga—linga nāli na maka nkati mwa nīmwēne, muketile! Lōli une ngwitika ukuti Kyāla isakundula une ukuya nu lwītiko ku kyēne. Une nisakubōmba kilikyōsa iki kili mmaka gāngu. Ngimba ugwe kwitika une? Ngimba ugwe kwitika akapango kala isya balukoti bala? Ugwe kubōmba? Ugwe kwitika ukuti ikyene kibagīle, ukuti ulubunju ulu, ukuti Kyala abagīle ukubumbulusyaga umbili gwako, kangi ugwe kwēndāga kāngi, ukwēnda ngāti ugwe ubagilīle ukuya akabalilo kākwānda? Kilipo ikindukimo itolo kyābonike ikwisila mu kupāpīgwa kwāko mula, kilipo ikindukimo iki kyafufenie ikindukimo panini kangi ugwe itolo ukākulile kanunu. Itolo bo lusamba lukukula pamwanya pa lusamba ulungi, ikyēne kikukolelela ikyēne pāsi. Ena, linga ulusāmba lula lubagīle ukusōkapo pa lusāmba lula, ulwēne lwisakugolosisgwāga nukuya kanunu. Muketile? Ngimba ikyo kyo kutalusya? Ikyēne kyo kigune. Ikyēne kyo kigune. Linga

ikigune kibagile ukusokapo, polelo ugwe kwisakuyaga kanunu. Muketile?

²⁸⁶ Ntwa, une ngwinogona, bule linga uyu ali mwana gwangu, bule linga uyu ali nkundwe gwangu? Nu lwitiko, une ngusosyapo ikigune, mu Ngamu ya Yeso Kristi. Amen.

²⁸⁷ Gwe Ntwa, une ngubika amaboko gangu pa mwene kangi ngukusuma ku bubumbuluso bwake mu Ngamu ya Yeso Kristi. Amen.

²⁸⁸ Tata Kyala, mu Ngamu ya Yeso Kristi, une ngubika amaboko pa nkikulu uyu unkubilwe, ku bubumbuluso bwake. Amen.

Kalumbu Nash, Kyala akupokile ugwe ukufuma ku kansa, ifyinja ifi fikindilepo.

²⁸⁹ Ntwa, mpapo Kalumbu Nash ubusume bwake. Ukuya mbombi Gwako, une ngusuma ikyene. Ikyene kisakubombigwaga. Ilyo lya lyamulo, Kalumbu Nash.

Mu Ngamu ya Yeso Kristi, paga u kalumbu gwitu ubusume bwake. Amen.

²⁹⁰ [U nkundwe na kalumbu bikuyoba nu Nkundwe Branham—Nsimbi] Ndaga ugwe, nkundwe, kangi bukaga ku bandu aba baali kula. Kyala alipaga ikyene. Akabalilo akanunu kaki, abandu bake bakongile bo une ndi kula. Ugwe gwali ku Bombay bo uswe tuli kula? Ena, polelo ugwe itika ifindu ifi fifyo une. . . ugwe upilike?

²⁹¹ Ntwa, bo umwene ikugomokela ku bandu bake ukukilania inyanja, umwene alibukaga isusigwe na Maka ga Kyala, abumbulusigwe mu busume bulibosa ubu umwene ikusuma. Alibukaga umwene nukwakwambilila ikyene, mu Ngamu ya Yeso Kristi. Amen.

²⁹² Mu Ngamu ya Yeso Kristi, u Mwanundumiana gwa Kyala, ali ambililaga u kalumbu gwitu ubusume bwake.

²⁹³ Ntwa, paga ubusume bwa kalumbu gwitu. Ulutamio lwake luli imikigwaga lululu ulu, mu busyuke ukwisila Yeso Kristi. Amen. Kalumbu, ikyene kikufimbilisigwa ukuya, itolo kikufimbilisigwa ukuya!

²⁹⁴ [Kalumbu ikuyoba nu Nkundwe Branham—Nsimbi] Ugwe kulonda iki kyandisigwe mu Nongwainunu? ["Ena."]

²⁹⁵ Ntwa Kyala, mumo unkikulu unkeke ikwima apa, komma panongwa ya finyonywo fiamwene mma. Umwene ikwiputula u nkundwe gwake, ali ni mbungo mu lilopa. Une ngumpa mwene ubusume bwake. Nu kutumigwa kuko kwapegigwe nu Gwandumi; kangi ni mboniboni ya Yeso Kristi, imilungu minandi igi gikindilepo, nkyumba kyangu; une ngupa undindwana ubusume bwake. Amen.

²⁹⁶ Ikyene kikufimbilisigwa ukuya. Ugwe kwitugasya pabupipi apa? [U kalumbu ikuyoba, "Memphis, Tennessee."—Nsimbi]

Memphis, Tennessee. Nsimbila une kalata. Ugwe kwisa—ugwe kwisa—ugwe kwisa kuyaga nubusūme bwāko.

297 Nkundwe Grimsley. [U nkundwe ikuyoba nu Nkundwe Branham—Nsimbi] Kyāla akusaye ugwe, Nkundwe Grimsley.

298 Ntwa, uswe tubagile ukukumbukila bo butali buki kūko unkundwe uyu afumileko, kangi ikibwina umwēne ākēkigwēko. Umwene ikulonda u Mbepo Gwako ugwakongelapo, Ntwa. Iki une ngumpa umwene, mu Ngamu ya Yeso Kristi. Ukukēta imbombo syāke isyakunyuma, ukuti umwēne agelile ukukōnga Ugwe, polelo, na Maka ga ku—butumigwe bwangu bubo bwapēgigwe kwa une na Yeso Kristi, busisimikisigwe nu Gwandumi ni mboniboni, une ngumpa Nkundwe Grimsley ikinyonywo kyāke. Mwīsusya umwēne ukwīsūla nu lwītiko, nu kwēnda ukwakifuki umwēne isakuyaga nako.

299 Bule linga une nākubūlile ugwe, “Bukaga kangi kayege kanunu, panongwa ya Kitangala kya Kyāla”? Ngimba ugwe kwitika iki une njobile isya balukoti bala na fila, kangi ngimba ugwe kwitika ikyo ukuya bwanaloli? Polelo, Umwēne, Umwēne ikumba une iki une nguyoba ku iki “kyamba.” . . . ? . . . Ugwe utisakuya na kimo ikingi. Ugwe utisakuyaga na kimo ikingi. Patisakuyapo kangi imbungo mma, umwe mwesa-babili, kanunu.

300 Une ngumpa ubusume ubu būbo umwene ikusūma, mu Ngamu ya Yeso Kristi. Ameni.

301 Tata Kyala, paga kwa uyu, kalumbu gwītu, ubusume bwake, mu Ngamu ya Yeso Kristi. Ameni.

Ndaga, kalumbu, bukaga, itikaga ikyene.

302 Tāta, bo unkikūlu uyu ikukīndapo, une ngusuma ukuti Ugwe kwisakumpa umwēne ubusūme bwāke, mu Ngamu ya Yeso Kristi. Ameni.

303 Mu Ngamu ya Yeso Kristi, une ngumpa u nkikulu uyu ubusūme bwāke. Ameni. Komma ukwilamwa ikyene.

304 [Kalumbu ikuyoba ni Nkundwe Branham—Nsimbi] Ugwe kwitika ukuti ugwe kwisa kwambililaga ikyene? [“Ena.”] Polelo une ngukupu ugwe ubusume bwāko, ukwisila mMaka aga gāpēgigwe kwa une ukwisila ubutumigwe bwa Yeso Kristi, nu kubikiligwa ubuketi. . . ? . . . Bukaga, kangi—kangi Kyāla isakuyaga na ugwe.

305 Nkundwe Fred, ngimba fyo fiki fili pa ndumbula yāke? [Nkundwe Sothmann ikuyoba nu Nkundwe Branham—Nsimbi] Nkundwe Freddie Sothmann, une ngutobesya umwafi gula mu mbili gwāko. Gulikulekāga ugwēne ugwe, mu Ngamu ya Yeso Kristi. Ameni.

306 Nkundwe Collins. [Nkundwe Collins ikuyoba nu Nkundwe Branham—Nsimbi]

³⁰⁷ Ntwa, u nkundwe umpala uyu ikulondalonda ulōsyo lwa Mbepo Mwikemo. Ntwa, na fyōsa ifi fili mwa une, une ngufumusya u Lusayo ulu pa gwāngu u Nkundwe Collins. Paga icyēne. U Mbepo Mwikemo alīsaga pa mwene, kangi umwene ali isusigwaga na Mbepo Mwikemo! Amen.

³⁰⁸ Nkundwe Collins, ugwe kufimbilisigwa ukwambilila Umwēne, Umwēne ikufimbilisigwa itolo ukwīsa. Kyāla ikutugela itolo uswe.


³⁰⁹ Ntwa, paga ubusūme ubu. Alikubōmbelāga Ugwe umwēne, kangi ikikolo kyāke kilikubōmbelāga Ugwe, ni ndumbula syābo syōsa.

³¹⁰ Kyala, paga kwa kalumbu gwītu ubusūme bwāke. Kabuno fyōsa ifi umwēne asūmile, ali ambililāga umwēne icyēne, mwa Yeso Kristi u Ntwa gwītu. Amen.

³¹¹ Ntwa, mpāpo u nkundwe uyu amaka ukukitūla ikipānga kyāke. Kilipīgwāga iki. Une ngumpa umwēne amaka aga, mwa Yeso Kristi. Amen.

³¹² [U kalumbu ikuyoba nu Nkundwe Branham—Nsimbi] Kalumbu, ikyo kindu kinyali iki ugwe uli nakyo, ulutēnde. Ngimba ugwe kwitika iki une nguyoba kwa ugwe kyo kyabwanaloli? [“Ena, une ngwitika.”] Ngimba ugwe kwitika lilino, ukuti une—une njobile kwa ugwe bwanaloli? [“Ena.”] Polelo une ngukupaga ugwe ububumbulusyo, mu Ngamu ya Yeso Kristi. Itolo ukuya nsisimikisiyi bo une nimile pa kigemo, ulutēnde lwāko lukindile ukufuma kwa ugwe.

³¹³ [Nkundwe ikuyoba na Nkundwe Branham—Nsimbi] . . . ? . . . Ikyene kikwima papanja, paliposa pa ugwe.

³¹⁴ Ntwa Kyala, ku nkundwe gwāngu umpala unnini apa, ukuya kisolofu nu ubusolofu bwa mbepo gwāke ikukōlela ngati ubusolofu bukukōléla ku Busolofu. Umwēne ikulōnda u Mbepo Mwikemo. Umwēne agīndike ububōmbelo, Ntwa, mu njila yiliyosa iyi umwēne abagile. Na Maka ga Mbepo Mwikemo, kilisaga Ikyēne pa nkūndwe, kangi umwēne ayege mwīsusigwe na Maka ga Kyāla ni lipyāna, Mbeko Mwikemo. Mwambililaga umwēne, bo une ngumbika umwēne mu . . . 

60-0417M Bũka, Kababũle
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org